

李長吉歌詩彙解

李長吉詩編稽唐宋兩史藝文志及鄭氏通志畧皆
曰李賀集後人不欲指斥其名而依其所居之地以
名之改題曰昌谷今稱李長吉歌詩從吳西泉本及
杜樊川序也按昌谷在洛陽地誌多失載詩中原註
謂昌谷與女儿山嶺坂相承山卽蘭香神女上昇處
其谷東有隋之福昌宮焉按其地皆在今河南宜陽
縣中宜陽于唐宋時爲福昌縣故王氏困學紀聞謂
昌谷在河南福昌縣三鄉東張文潛有春遊昌谷訪
長吉故居詩及福昌懷古一章專指長吉宅而言皆
灼然可據註者數家俱畧而不考或且因詩中有隴

西長吉之辭遂妄擬以爲地在隴西謬解紛如反爲
疣贅又樊川序中反覆稱美喻其佳處凡九則後之
解者祇拾其鯨呿鰲擲牛鬼蛇神虛荒誕幻之一則
以爲端緒煩辭巧說差爽尤多余集所見諸家箋註
刪去浮蔓而錄其確切者間以鄙意辨析其間有竟
不可解者多因字畫訛舛雖可意揣寧缺無鑿期于
不失原詩本來面目勿令後之觀者因箋釋之不明
而反墮冥冥雲霧中也長吉下筆務爲勁拔不屑作
經人道過語然其源實出自楚騷步趨于漢魏古樂
府朱子論詩謂長吉較怪得些子不如太白自在夫

太白之詩世以爲飄逸長吉之詩世以爲奇險是以宋人有仙才鬼才之目而朱子顧謂其與太白相去不過些子間蓋會意于此興風雅之微而不賞其彫章刻句之跡所謂得其精而遺其麤者耶人能體朱子之說以探求長吉詩中之微意而以解楚辭漢魏古樂府之解以解之其于六義之旨庶幾有合所謂鯨呿鰲擲牛鬼蛇神者又何足以駭夫觀聽哉

乾隆二十五年冬至後七日西泠王琦琢崖氏記于平安里居之寶笏樓

評註諸家姓氏爵里考

劉辰翁字孟會號須溪廬陵人少登陸象山之門景
定壬戌以太學生廷試對策忤賈似道抑置丙第後
以薦除太學博士不起有李長吉詩評

吳正子字西泉時代爵里未詳有長吉詩箋註

徐渭字文長山陰人明嘉靖中以諸生入總督胡宗
憲幕府有昌谷詩註

董懋策爵里未詳有昌谷詩註合徐註刊之

曾益字謙甫山陰人有昌谷詩註

李維楨王思任皆
為作序蓋其同時

也人

余光字希之莆田人明崇禎丁丑進士官上虞知縣

有昌谷詩註

賀子于明文選本見李君世熊一序言李

二氣而呵活之美其註釋之甄明乃爾求之多終未克觀嘗買得徐董合解刻本有墨筆鈔其註于上下空白間者然每首不過數句亦有全首不註疑是摘錄之本非全註也其書後為友人借閱遂失去不返

姚佺字仙期一云山期號辱菴又號石耳山人秀水

人明末時客居吳下與復社諸名士會中有昌谷詩

箋○外有邱象升

字瞻戒

邱象隨

字季貞

陳縻

字素子

陳開

先

字梅章

楊妍

字士佳

吳甫

字杜陵

六人之辯註

孫枝蔚

字豹

人陝西三原人康熙中與博學鴻詞舉

張恂

字穉恭

蔣文運

字元扈

胡廷佐

李長吉歌詩

三

字煥

張星

字東井

謝起秀

字實夫

朱潮遠

字卓月

七人之評

合刊之總號昌谷集句解定本

姚文燮字經三號羹湖桐城人順治己亥進士官建

寧同知有昌谷詩註多以史事釋之所謂借古人以

成一家言者至其當處不可易也書之上方附蔣楚

珍

金壇人翰林蔣

陳二如

名式號問齋桐城人

錢飲光

初名秉鑑字幼

光後更名澄之

字飲光桐城人

周玉鳧

蘇州人

黃秋涵吳炎牧蔣潛伯

諸君評語

李長吉歌詩目錄

首卷

李長吉歌詩序

杜牧

李長吉小傳

李商隱

書李賀小傳後

陸龜蒙

冬日有懷李賀詩

戴叔倫

讀李賀歌集詩

僧齊己

福昌懷古詩

張耒

讀李長吉集詩

李綱

長歌哀李長吉

郝經

觀明發畫李賀高軒過圖詩

僧道潛

李賀晚歸圖詩

徐俯

李賀醉吟圖詩

劉因

事紀

十二則

詩評

三十二則

一卷

李憑箏篋引

殘絲曲

還自會稽歌

并序

出城寄權璩楊敬之

示弟

竹

同沈駙馬賦得御溝水

始爲奉禮憶昌谷山居

七夕

過華清宮

送沈亞之歌

并序

咏懷二首

追和柳惲

春坊正字劍子歌

貴公子夜闌曲

雁門太守行

大堤曲

蜀國絃

蘇小小墓

夢天

唐兒歌

綠章封事

河南府試十二月樂詞

并閨月

天上謠

浩歌

秋來

帝子歌

秦王飲酒

洛姝真珠

李夫人

走馬引

湘妃

南園十三首

二卷

金銅仙人辭漢歌

并序

古悠悠行

黃頭郎

馬詩二十三首

申胡子觥策歌

并序

老夫採玉歌

傷心行

湖中曲

黃家洞

屏風曲

南山田中行

貴主征行樂

酒罷張大徹索贈詩時張初效潞幕

羅浮山人與葛篇

仁和里雜序皇甫湜

宮娃歌

堂堂

勉愛行二首送小季之廬山

致酒行

長歌續短歌

公莫舞歌

并序

昌谷北園新筍四首

惱公

感諷五首

三月過行宮

三卷

追和何謝銅雀妓

送秦光祿北征

酬荅二首

畫角東城

謝秀才
有妾縞練改從于人
秀才引西之不得後
生感憶坐人製詩嘲
謂賀復繼四首

昌谷讀書示巴童

巴童荅

代崔家送客

出城

莫種樹

將發

追賦畫江潭苑四首

潞州張大宅病酒過江使寄上十四兄

難忘曲

賈公闕貴署曲

夜飲朝眠曲

王濬墓下作

客遊

崇義里滯雨

馮小憐

贈陳商

釣魚詩

奉和二兄罷使遣馬歸延州

荅贈

題趙生壁

感春

仙人

河陽歌

花遊曲 并序

春晝

安樂宮

蝴蝶舞

梁公子

牡丹種曲

後園鑿井歌

聞愁歌

秦宮詩 并序

古鄴城童子譁效王粲刺曹操

楊生青花紫石硯歌

房中思

石城曉

苦晝短

章和二年中

春歸昌谷

昌谷詩

銅駝悲

自昌谷到洛後門

七月一日曉入太行山

秋涼詩寄正字十二兄

四卷

艾如張

上雲樂

摩多樓子

猛虎行

日出行

苦篁調笑引

拂舞歌辭

夜坐吟

箜篌引

巫山高

平城下

江南弄

榮華樂

相勸酒

瑤華樂

北中寒

梁臺古愁

公無出門

神絃曲

神絃

神絃別曲

綠水詞

沙路曲

上之回

高軒過

貝宮夫人

蘭香神女廟

送韋仁實兄弟入關

洛陽城外別皇甫湜

溪晚涼

官不來題皇甫湜先輩廳

長平箭頭歌

江樓曲

塞下曲

染絲上春機

五粒小松歌

并序

塘上行

呂將軍歌

休洗紅

野歌

將進酒

美人梳頭歌

月漉漉篇

京城

官街鼓

許公子鄭姬歌

新夏歌

題歸夢

經沙苑

出城別張又新酬李漢

外集

南園

假龍吟歌

感諷六首

莫愁曲

夜來樂

嘲雪

春懷引

白虎行

有所思

嘲少年

高平縣東私路

神仙曲

龍夜吟

崑崙使者

漢唐姬飲酒歌

聽穎師彈琴歌

謠俗

以上原本終
別書採出二首附後

靜女春曙曲

少年樂

李長吉歌詩目錄

李長吉歌詩首卷

錢塘 王琦琢唯編輯

緝 端臣較

李長吉歌詩敘

杜牧

太和五年十月中半夜時舍外有疾呼傳緘書者牧
曰必有異亟取火來及發之果集賢學士沈公子明
書一通曰我亡友李賀元和中義愛甚厚日夕相與
起居飲食賀且死嘗授我平生所著歌詩雖爲四編
凡二百三十三首今本昌谷集只四卷疑卽沈氏所得離爲四編之本也其詩實出自
長吉手授非他人掇拾編次者無真贋雜陳之患可知矣劉後村作昌谷集題跋曰樂府惟李賀最工張

籍王建輩皆出其下然全集不過一小冊世傳賀中
表有妒賀才名者投其集澗中故傳于世者絕少予
竊意不然天地間尤物且不多得況佳句乎使賀集
不遭厄必不能一一如今所傳本之精善疑賀手自
詮擇者耳鍾伯敬作李長吉詩辨曰杜牧李長吉執
友也敘長吉詩曰賀且死嘗授我平生所著歌詩凡
二百三十三首今二百三十三首具在則長吉詩無
逸者矣其逸者非逸也皆賀所不欲存者也而李藩
者乃從賀外兄搜其逸者且恨其以夙怨悉投堰中
不亦紛紛多事乎少陵云文章千古事得失寸心知
况如賀等者皆于心的有所據而于世無所與者
乎夫以乎心有所據而于世無所與之人死而授其
友之知我者以詩詩止于二百三十三首則此外皆
其所不欲存者必矣乃不足定長吉詩而必欲別
傳其所不欲存者甚矣無識者之禍人詩也然則投
賀詩與恨其投者其為庸人無識之禍人詩也則同
中則長吉之幸而二百三十三首傳于世而無一字
之亡者皆長吉文章之所欲傳而必殺然自去之者
不欲存雖舉後村似未見杜序而神解暗合伯敬則
文議論皆確後村似未見杜序而神解暗合伯敬則

全本之杜序然以杜爲長吉執友誤矣又賀將卒時以平生所著歌詩授沈子明今讀其文似以歌詩授之杜者則亦未嘗細檢杜序殆所謂得其精而忘其粗者歟但今世所傳諸本有二百十九篇者有二百四十二篇者與序中所載之數不合恐亦不能不爲後人淆亂矣數年來東西南北良爲已失去今夕醉解不復得寐卽閱理篋帙忽得賀詩前所授我者思理往事凡與賀話言嬉遊一處所一物候一日一夕一觴一飯顯顯然無有忘棄者不覺出涕賀復無家室子弟得以給養卹問嘗恨想其人詠味其言止矣子厚于我與我爲賀集序盡道其所來由亦少解我意牧其夕不果以書道不可明日就公謝且曰世謂賀才絕出前讓居數日牧深惟

公曰公于詩爲深妙奇博且復盡知賀之得失短長
今實敘賀不讓必不能當公意如何復就謝極道所
不敢敘賀公曰子固若是是當慢我牧因不敢復辭
勉爲賀敘終甚慙賀唐皇諸孫字長吉元和中韓吏
部亦頗道其歌詩雲烟綿聯不足爲其態也水之迢
迢不足爲其情也春之盎盎不足爲其和也秋之明
潔不足爲其格也風檣陣馬不足爲其勇也瓦棺篆
鼎不足爲其古也時花美女不足爲其色也荒園侈
殿梗莽邱壠不足爲其怨恨悲愁也鯨吸鰲擲牛鬼
蛇神不足爲其虛荒誕幻也蓋騷之苗裔理雖不及

辭或過之騷有感怨刺懟言及君臣理亂時有以激
發人意乃賀所爲得無有是賀能探尋前事所以深
嘆恨古今未嘗經道者如金銅仙人辭漢歌補梁庾
肩吾官體謠求取情狀離絕遠去筆墨畦徑間亦殊
不能知之賀生二十七年死矣世皆曰使賀且未死
少加以理奴僕命騷可也北夢瑣言于嘗覽李賀歌
篇慕其逸才奇險雖然嘗
疑其無理未敢言于時輩後于奇章集中見杜紫微
牧有言長吉若使稍加以理卽奴僕命騷可也是知
通論若符賀死後凡十有五年京兆杜牧爲其敘劉
不相遠也
谿曰舊看長吉詩固喜其才亦厭其澀落筆細讀方
知作者用心料他人觀不到此是千年長吉猶無知
已也以杜牧之鄭重爲序直取二三歌詩而止始知
牧亦未嘗讀也卽讀亦未知也微一二歌詩將無道

李長吉小傳

李商隱

京兆杜牧爲李長吉集敘狀長吉之奇甚盡世傳之
長吉姊嫁王氏者語長吉之事尤備長吉細瘦通眉
長指爪能苦吟疾書最先爲昌黎韓愈所知所與游
者王參元楊敬之權璩崔植輩爲密每旦日出與諸
公游未嘗得題然後爲詩如他人思量牽合以及程
限爲意恒從小奚奴騎距驢背一古破錦囊遇有所
得卽書投囊中及暮歸太夫人使婢受囊出之見所
書多輒曰是兒要當嘔出心乃已爾上燈與食長吉
從婢取書研墨疊紙足成之投他囊中非大醉及弔

喪日率如此過亦不復省王楊輩時復來採取寫去
長吉徃徃獨騎徃還京雒所至或時有著隨棄之故
沈子明家所餘四卷而已長吉將死時忽畫見一緋
衣人駕赤虬持一板書若太古篆或霹靂石文者云
當名長吉長吉了不能讀歛下榻叩頭言阿嬭

長吉學語

時呼太夫人云

老且病賀不願去緋衣人笑曰帝成白玉樓

立名君爲記天上差樂不苦也長吉獨泣邊人盡見
之少之長吉氣絕常所居窓中燂燂有烟氣聞行車
轉管之聲太夫人急止人哭待之如炊五斗黍許時
長吉竟死王氏妙非能造作謂長吉者實所見如此

嗚呼天蒼蒼而高也上果有帝耶帝果有苑囿宮室
觀閣之玩耶苟信然則天之高邈帝之尊嚴亦宜有
人物文采愈此世者何獨眷眷于長吉而使其不壽
耶噫又豈世所謂才而奇者不獨地上少卽天上亦
不多耶長吉生時二十七年位不過奉禮太常時人
亦多排擯毀斥之又豈才而奇者帝獨重之而人反
不重耶又豈人見會勝帝耶

書李賀小傳後

陸龜蒙

玉溪生傳李賀云長吉常時旦日出遊從小奚奴騎
距驢背一古破錦囊遇有所得卽書投囊中暮歸足

成其文余爲兒時在溧陽聞白頭書佐言孟東野貞
元中以前秀才家貧受溧陽尉溧陽昔爲平陵縣南
五里有投金灘瀕南八里許道東有故平陵城周千
餘步基阤陂陲裁高三四尺而草木勢甚盛率多大
櫟合數十抱藁條蒙翳如塢如洞地窪下積水沮洳
深處可活魚鱉輩大抵幽邃岑寂氣候古澹可喜除
里民樵畧外無入者東野得之忘歸或比日或間日
乘驢領小吏經驀投金渚一往至得陰大櫟隱巖篠
坐于積水之旁吟到日西還爾後袞袞去曹務多弛
廢今禿躁卞急不佳東野之爲立白王府請以假尉

代東野分其俸以給之東野竟以窮去吾聞潘敞漁
者謂之暴天物天物旣不可暴又可挾撻刻削露其
情狀乎使自萌卵至于槁死不能隱伏天能不致罰
耶長吉天東野窮玉溪生官不挂朝籍而死正坐是
哉正坐是哉

冬日有懷李賀長吉

戴叔倫

歲晚齋居寂情人動我思每因一樽酒重和百篇詩
月冷猿啼慘天高雁去遲夜郎流落久何日是歸期

讀李賀歌集

僧齊己

赤水無精華荆山亦枯槁元珠與虹玉璨璨李賀抱

李長吉歌詩

首卷

六

清晨醉起臨春臺
吳綾蜀錦胸襟開
狂多兩手掀蓬萊
珊瑚擬盡空土堆

福昌懷古

張耒

少年詞筆動時人
末俗文章久失真
獨愛詩篇超物象
祇因山水與精神
清溪水拱荒涼宅
幽谷花開寂寞春
天上玉樓終恍惚
人間遺事已成塵

李賀宅

讀李長吉詩

李綱

長吉工樂府
字字皆雕鏤
騎驢適理外
五藏應爲愁
得句乃是成
還有理致不
嘔心
古錦囊絕筆
白玉樓遺編尚如此
嘆息空搔頭

長歌哀李長吉

郝經

元和比出屠龍客三斷韋編兩毛白黃塵草樹徒紛
披幾人探得神仙格青衣小兒下玉京滿天星斗兩
手摘胷中旁魄銀河湧驅出鱣鯨噴霜雪逸氣似與
秋天杳辭鋒忽劃青雲裂刺空一劍斷晴霓齊梁妖
孽皆泣血上帝俄驚久不來恐向塵寰覆迷轍赤虬
嘶入造化窟千丈虹光遠明月人間不復見奇才白
玉樓頭耿光潔自此雄文價益高翠華灼爍紫霓掣
我生不幸不同時安得縱橫驚清絕思君岳岳矯首
立扣破元關天地絕忽驚鳳鳥入寥廓恍惚渾疑見

顏色車聲噤管縹緲間亂霞顛倒無蹤跡六龍驤翼
夾秋日神鼎俄空鉉華碧丹霄盤礴冠元精縱有新
詩招不得煙淒淒兮鎖瑤臺望王孫兮去未迴瑛瑛
玉樹生瑤階有瑤花兮花不開仰天三嘆天無語萬
里長風酒一杯

觀明發畫李賀高軒過圖

僧道潛

唐年茂宗枝時不多俊良長古尤震曜春林擢孤芳
退之于孔門屹屹真棟梁筆力障百川風潮息其狂
破衣繫麻鞵右顧生輝光一朝與湜輩命駕驚煌煌
賀初爲兒童隨父事迎將須臾命賦詩英氣加激昂

長安衆詞客聲問爭推揚風流垂異代尚想古錦囊
君今亦宗英韻勝斯人方少年肯事事苦學志獨強
風騷擬屈宋妙處相頡頏丹青出戲弄配古猶擅場
形容示往事彷彿如在旁一徑入幽遠古垣繚林莊
平橋跨綠水薄叢含蔥蒼晴窓爲披拂佳興杳難忘

李賀晚歸圖

徐俯

近代推名畫諸君作薦書皇都開藝學博士是新除
高柳長安道亂雲昌谷居丹青聊置此僕馬晚歸歟

李賀醉吟圖

劉因

赤虬翩翩渺無聞望之不見矧可親浮世浮名等濁

溷眼中擾擾投詩人心肝未了人間春
顰眉尚作哦詩羣太平瑞物不易得昌黎仙人掌中珍
北風蕭蕭吹野鱗千年凝雨埋青雲乾坤清氣老不死
丹鳳再來須見君

事紀 十二則

李賀字長吉宗室鄭王之後父名晉肅以是不應進
士韓愈爲之作諱辯賀竟不就試韓昌黎諱辯云愈與李賀皆勸賀舉進士賀舉進士有名與賀爭名者毀之曰賀父名晉肅賀不舉進士爲是勸之舉者爲非手筆敏疾尤長于歌篇其文思體勢如崇巖峭壁萬仞崛起
當時文士從而效之無能髣髴者其樂府數十篇至

于雲韶樂工無不諷誦補太常寺協律郎卒時年二

十四

舊唐書

李賀字長吉系出鄭王後七歲能辭章韓愈皇甫湜始聞未信過其家使賀賦詩援筆輒就如素構自目曰高軒過二人大驚自是有名爲人纖瘦通眉長指爪能疾書每旦日出騎弱馬從小奚奴背古錦囊遇所得書投囊中未始先立題然後爲詩如他人牽合程課者及暮歸足成之非大醉弔喪日率如此過亦不甚省母使婢探囊中見所書多卽怒曰是兒要嘔出心乃已耳以父名晉肅不肯舉進士愈爲作諱辨

然卒亦不就舉辭尚奇詭所得皆警邁絕去翰墨畦
徑當時無能效者樂府數十篇雲韶諸工皆合之絃
管爲協律郎卒年二十七與遊者權璩楊敬之王恭
元每撰著時爲所取去賀亦早世故其詩歌世傳者

鮮焉

新唐書

李賀字長吉唐諸王孫也父璿肅邊上從事賀年七
歲以長短之歌名動京師時韓愈與皇甫湜見賀所
業奇之而未知其人因謂曰若是古人吾曹不知者
若是今人豈有不知之理會有以璿肅行止言者二
公因連騎造門請其子總角荷衣而出二公不之信

因面試一篇賀承命欣然操觚染翰旁若無人仍目
曰高軒過二公大驚遂以所乘馬命聯鑣而還所居
親爲束髮年未弱冠丁內艱他日舉進士或謗賀不
避家諱韓公特著諱辯一篇不幸未壯室而終太平廣記
隴西李賀字長吉唐鄭王之孫確而能文尤善樂府
詞句意新語麗當時工于詞者莫敢與賀齒由是名
聞天下以父名璿肅子故不得舉進士卒于太常官
年二十四其母夫人鄭氏念其子深及賀卒夫人哀
不自解一夕夢賀來如平生時白夫人曰某幸得爲
夫人子而夫人念某且深故從小奉親命能詩書爲

文章所以然者非止求一位而自飾也且欲大門族
上報夫人恩豈期一日死不得奉晨夕之養得非天
哉然某雖死非死也乃上帝命夫人訊其事賀曰上
帝神仙之居也近者遷都于月圃構新宮名曰白瑤
以某榮于辭故名某與文士數輩共爲新宮記帝又
作凝虛殿使某輩纂樂章今爲神仙中人甚樂願夫
人無以爲念旣而告去夫人寤甚異其夢自是哀少

解

太平
廣記

元和中進士李賀善爲歌篇韓文公深所知重于縉
紳之間每加延譽由此聲華籍甚時元相國稹年少

以明經擢第亦工篇什常願結交賀一日執贄造門
賀攬刺不荅遽令僕者謂曰明經擢第何事來看李
賀相國無復致情慚憤而退其後自左拾遺制策登
科目當要路及爲禮部郎中因議賀祖禰諱晉不合
應進士舉賀亦以輕薄爲時輩所排遂成軼軻文公
惜其才爲著諱辯錄明之然竟不成事

劇談錄

李藩侍郎嘗綴李賀歌詩爲之集序未成知賀有表
兄與賀爲筆硯之舊名之見託以搜訪所遺其人敬
謝且請曰某盡得其所爲亦見其多點竄者請得所
葺者視之當爲改正李公喜并付之彌年絕跡李公

怒復召詰之其人曰某與賀中外自小同處恨其傲

忽嘗思報之所得兼舊有者一時投于溷中矣李公

大怒叱出之嗟恨良久故賀篇什流傳者少

幽閑鼓吹

有人謁李賀見其久而不言吐地者三俄而文成三

篇文筆噤喉

雲仙雜記

張司業籍善歌行李賀能爲新樂府當時言歌篇者

宗此二人

因話錄

進士李爲作淚賦及輕薄暗小四賦李賀作樂府多

屬意花草蜂蝶之間二子竟不遠大文字之作可以

定相命之憂劣矣

因話錄

李益長于歌詩德宗貞元末與宗人李賀齊名

元府

李賀樂府數十首流播管絃李益與賀齊名每一篇

出樂人輒以重賂購之樂府稱爲二李

談

唐昭宗光化三年十二月左補闕韋莊奏詞人才子

時有遺賢不霑一命于聖明沒作千年之恨骨據臣

所知則有李賀皇甫松李群玉陸龜蒙趙光遠溫庭

筠劉德仁陸遠傅錫平曾賈島劉雅珪羅鄴方干俱

無顯遇皆有奇才麗句清詞徧在詞人之口啣冤抱

恨竟爲冥路之塵伏望追賜進士及第各贈補闕拾

遺勅獎莊而令中書門下詳酌處分

容齋
三筆

詩評 三十二則

宋景文諸公在館嘗評唐人詩云太白仙才長吉鬼

才

文獻
通考

人言太白仙才長吉鬼才不然太白天仙之詞長吉

鬼仙之詞耳

滄浪
詩話

太白仙才長吉鬼才然仙詩鬼詩皆不堪多見多見

則仙亦使人不敬鬼亦使人不驚

嚴滄浪評
李太白詩

張碧貞元中人自序其詩云碧嘗讀李長吉集謂春

折紅翠闌閒蟄戶其奇峭者不可攻也及覽李太白

辭天與俱高青且無際鯁觸巨海瀾濤怒翻則觀長

吉之篇若陟嵩之嶺視諸阜者耶

唐詩紀事

李賀較怪得些子不如太白自在又曰賀詩巧

朱子語類

李賀有太白之語而無太白之才太白以意為主而

失于少文賀以詞為主而失于少理

歲寒堂詩話

張爲作詩人主客圖序以孟雲卿爲高古奧逸主上

入室韋應物入室李賀杜牧李餘劉猛李涉胡幽正

升堂李觀賈馳李宣古曹鄴劉駕孟遲及門陳潤韋

楚老。飛香走紅滿天春

上雲藥句

酒酣喝月使倒行

秦王

飲酒

蹋天磨刀割紫雲

紫石硯句

右張爲取作主客圖

唐詩

事紀

元和歌詩之盛張王樂府尚矣韓愈李賀文體不同
皆有氣骨退之等作前賢稱之詳矣若長吉者天縱
奇才驚邁時輩所得離絕凡近遠去筆墨畦徑嗚呼
使假之以年少加以理其格律豈止是哉唐詩品彙
大曆以後吾所深取者李長吉柳子厚劉言史權德
輿李涉李益耳。玉川之怪長吉之瑰詭天地間自
欠此體不得滄浪詩話

李長吉玉川子詩皆出于離騷未可以立談判也漁隱

叢話

或問陸放翁曰李賀樂府極古今之工具眼或未許

之何也放翁曰賀詞如百家錦衲五色眩曜光奪眼
目使人不敢熟視求其補于用無有也予謂賀詩妙
在興其次在韻逸若但舉其五色眩曜是以兒童才
藻目之豈直無補已乎

趙宦光
彈雅

大曆以後解樂府遺法者惟李賀一人設色穠妙而
詞旨多寓篇外刻于撰語渾于用意中唐樂府人稱
張王視此當有奴郎之隔耳。譚友夏云詩家變化
盛唐已極後又欲別出頭地自不得無東野長吉一

派

毛馳黃
詩辯坻

臞翁詩評李長吉如武帝食露盤無補多慾

詩人
玉屑

李長吉歌詩

首卷

七

李長吉語奇而入怪

周紫芝古今諸家樂府序

篇章以平夷恬淡爲上怪險蹶趨爲下如李長吉錦

囊句非不奇也而牛鬼蛇神太甚所謂施諸廊廟則

駭矣

珊瑚鉤詩話○李嵩岑曰此語未盡然雁門悲壯銅仙哀怨黃家洞貴主征行足垂勸誠亦平

淮夷雅之一也

昔人謂詩能窮人或謂非止窮人有時而殺人蓋雕

琢肝腸已乖衛生之術嘲弄萬象亦豈造物之所樂

哉唐李賀本朝那居實之不壽殆以此也

周益公平園續稿

李長吉詩字字句句欲傳世顧過于瀏鉢無天真自

然之趣通篇讀之有山節藻梲無梁棟知非大厦也

○李賀詩有奇句盧仝詩有怪句好處自別

龍堂詩話

鍾伯敬稱長吉刻削處不畱元氣自非壽相此評極

妙譚友夏謂從漢魏以上來謬以千里

詩辯抵

長吉好以險字作勢然如漢武秦王聽不得直是荆

軻一片心原自渾老

通雅

李賀雁門太守行首句云黑雲壓城城欲摧甲光向

日金鱗開據言謂賀以詩卷謁韓退之韓暑臥方倦

欲使闖入辭之開其詩卷首乃雁門太守行讀而奇

之乃束帶出見宋王介甫云此兒誤矣方黑雲壓城

時豈有向日之甲光也或問此詩韓王二公去取不

同誰是予曰宋老頭中不知詩凡兵圍城必有怪雲
變氣昔人賦鴻門有東龍白日西龍雨之句解此意
矣予在滇值安鳳之變居圍城中見日暈兩重黑雲
如蛟在其側始信賀之詩善狀物也

楊升菴
外集

李賀金銅仙人歌魏官牽車指千里牽與轄相近車
軸相關而行也世多不識此字濶作牽牛之牽詩林
猶能存此字形而本集中反多謬矣

雅

李長吉有羅浮山人詩云欲剪湘中一尺天吳娥莫
道吳刀澀正用老杜題王宰書山水圖歌焉得并州
快剪刀剪取吳淞半江水之句長吉非蹈襲人後者

疑亦偶同不失爲好語也

容齋續筆

王右丞詩楊花惹暮春李長吉詩古竹老稍惹碧雲

溫庭筠暖香惹夢鴛鴦錦孫光憲六宮眉黛惹春愁

用惹字凡四皆絕妙

楊升菴外集

唐人詩曰足知造化力不給使君須吾有取焉

薛敬軒讀

書錄

李長吉詩云楊花撲帳春雲熱才力絕人遠甚如柳

塘春水漫花塢夕陽遲雖爲歐陽文忠所稱然不迨

長吉之語

許彥周詩話

王直方詩話云李賀高軒過詩中有筆補造化天無

功之句予每爲之擊節此詩人之所以多窮也

漁隱叢話

李長吉詩作不經人道語然繡幕圍春風古樂府中

全句也

餘冬序錄

復齋漫錄云長吉有桃花亂落如紅雨之句以此名

世予觀劉禹錫云花枝滿空迷處所搖動繁英墜紅

雨劉李出一時決非相爲剽竊

漁隱叢話

世目李長吉爲鬼才夫陶通明博極羣書恥一事之

不知曰與爲頑仙寧爲才鬼然則鬼才豈易言哉長

吉名由韓昌黎起司空表聖評昌黎詩驅駕氣勢若

掀雷挾電撐決天地之垠而長吉務去陳言頗似之

譬之草木臭味也由其極思苦吟別無他嗜阿婆所
謂嘔心乃已是以隻字片語必新必奇若古人所未
經道而實皆有據案有原委古意鬱渟其間其庀蓄
富其裁鑒當其結撰密其鍛鍊工其丰神超其骨力
健典實不浮整蔚有序雖詰屈幽奧意緒可尋要以
自成長吉一家言而已杜樊川序謂騷之苗裔令未
死且加以理可奴僕命騷未爲不知長吉亦未爲深
知長吉詩有別才不必盡出于理請就騷論朱子以
屈原行過中庸辭旨流于跌宕怪神怨懟激發不可
爲訓林應辰則以詞哀痛而意宏放興寄高遠如崑

李長吉歌詩

首卷

七

崑閭風西海陞皇之類類莊氏寓言劉舍人指其詭
異譎怪狷狹荒淫四事異乎經典而自有同乎風雅
者騷詣絕窮微極命庶物力奪天巧渾成無跡長吉
則鋒穎太露蹊徑易見調高而不能下氣峻而不能
平是于騷特長擬議未臻變化安得奴僕騷也傳稱
其細瘦通眉長指爪貌與人殊而諸樂府亦若九歌
東皇太乙以至國殤禮魂諸體信乎其爲鬼才矣或
言元微之以詩謁長吉曰明經擢第何事來看微之
怒以父諱事阻其進元韓同時是長吉前輩語或失
真然以彼其才目睫中寧置微之屬者海內稱詩以

元白爲宗鄙俚枯淡稚弱猥雜曾委巷歌謠之不如
問好爲長吉鬼語而不察長吉胸有萬卷書筆無半
點塵奈何率爾信腕信口無所取裁妄自攀附猶俛
子假鬼而效鬼聲相戲相恐也終身論墮鬼趣才何

有焉

李維楨昌
谷詩解序

有明霞秀月之賞則必有崩雲湧雪之驚有練川楮
陸之平則必有雁蕩龍門之怪有典謨訓誥之正則
必有竹塹石鼓之奇有魯論孟子之顯則必有墨兵
蒙寇之幻窮則必至于變通則適反其常此不易之
理也唐以律取士猶今日之時文也人守其韻世工

其體幾于一管之吹矣李賀以僻性高才拘腸盱眼
跳梁其間其最稱筆硯知者鏡深繹隱之韓愈而所
極臧隸視者明經中第之元稹也賀旣吐空一世世
亦以賀爲蛇魅牛妖不欲盡掩其才而借父名以錮
之蓋不待溷中之投而賀之傲忽毒人將姓氏不容
人間世矣賀旣孤憤不遇而所爲嘔心之語日益高
渺寓今託古比物徵事大約言悠悠之輩何至相嚇
乃爾人命至促好景盡虛倂以其哀激之思變爲晦
澀之調喜用鬼字泣字死字血字如此之類幽冷谿
刻法當天乏顧其冥心千古涉目萬書嘆空繡閣擲

地絕塵時而蛩吟時而鸚鵡語時而作霜鶴唳時而
花肉媚眉時而冰車鐵馬時而寶鼎煽雲時而碧燐
劃電阿閔片時不容方物其可解者抱獨知之契其
不可解者甘遞世之悶卽杜牧之躡接最密猶以爲
殊不能知也

王思任昌谷詩解序

李賀所賦銅人銅臺銅駝梁臺慟興亡歎桑海如與
今人語今事握手結胸愴淚漣漣也賀亦尋常今之
人耳千年心眼何爲使賀獨有鬼名哉夫唐人以賀
赴帝名共慕之爲仙今千年學士乃畏之爲鬼以爲
仙則賀死而生以爲鬼則賀生而死矣然則賀之死

不在二十七年之後乃在二十七年之前也賀之死
又不在借諱錮身投溷掩名之日而在千年來疑賀
摘賀贊愛賀自以爲知賀之人也劉會孟曰千年長
吉子甫知之耳賀所長乃在理外如惠施堅白特以
不近人情而聽者惑焉是爲辨耳夫鬼亦人靈而已
旣以外理又不近人有物如是者奚但鬼而已哉雖
然長吉不諱死亦自知其必復生唐人已慕之爲仙
矣賀自言則曰幾迴天上葬神仙又曰彭祖巫咸幾
回死是謂仙亦必死也後人旣畏之爲鬼矣賀自言
則曰秋墳鬼唱鮑家詩是謂鬼定不死也故生死非

賀所欣戚也意賀所最不耐者此千年來擠賀於鬱
瞢沈屯中非死非生若魘不興者終不能豎眉吐舌
嚙血雪腸于天日之前是賀所大苦也乎李世熊昌谷詩解序
李長吉才人也其詩詣當與楊子雲之文詣同所命
止一緒而百靈奔赴直欲窮人以所不能言并欲窮
人以所不能解當時嘔出心肝已令同儔辟易乃不
知己者動斥之以鬼長吉掉不受也長吉詩總成其
爲才人耳儻得永年而老其才以暢其識與學之所
極當必有大過人者不僅以才人終矣方拱乾昌谷集註序
嘗讀韓愈三上宰相書爲之感憤流連士何不幸而

生元和之時哉李賀阨於讒不得舉進士愈作諱辯
可謂愛賀矣然讒者百而愛者一是愛不勝讒也古
今仇才者首上官子蘭而成屈子以千古未有之離
騷則愛者且千萬人讒何傷賀才學騷者也而處時
不同德宗猜忌用人不信宰相憲宗英主也裴度爲
相當賀七歲愈與皇甫湜深器之及愈爲御史在貞
元十九年而賀年二十有三矣數上封事何難一薦
之度而考之史卒無聞焉或曰中原時常用兵無事
儒生而叔文之黨方綱天下賢士大夫不使登進卽
愈之身一貶陽山再貶潮州躬之不恤何暇爲賀逮

後爲彰義行軍司馬用其文而已而賀適以是年死
豈不悲哉或又曰賀之阨于讒宜也屈子悼宗國之
亡其憂大故其辭蹙賀當平世何至哀憤楚激嘔心
作詭譎之辭以致忌者按詩溷厠斯已過矣曰非也
賀王孫也所憂宗國也和親之非也求仙之妄也藩
鎮之專權也閹宦之典兵也朋黨之釁成而戎寇之
禍結也以區區奉禮之孤忠上不能達之天子下不
能告之羣臣惟崎嶇驢背託諸幽荒險澀諸咏庶幾
後之知我者而世不察以爲神鬼悠謬不可知其言
旣無人爲之深繹而其心益無以自明不亦重可悲

李長吉歌詩

首卷

三

乎

宋琬昌谷集註序

世之苛於律才人與才人之苛于律世兩相厄也人文淪落之日處才難人文鼎盛之日處才尤難屈原賈誼才同而世不同世不同而處才之受困又同楚襄漢文殆猶霄壤離騷鵬賦後先同悲然則才不問時代而所遇皆窮天亦何必重生此才爲詩人困耶詩三百篇大抵不得志於時者之所作也詩亡而後春秋作孔子之不得志也以春秋續詩也屈賈輩以騷續詩是以詩續詩也是又以詩續春秋也其辭異其旨同也唐取士以詩是不欲詩亡也是將欲續王

風非欲續騷也而唐之才人歷數百年爲特盛終唐之世才最傑者稱兩王孫焉嗟乎唐之祖宗創立法以網羅奇俊冀無一失其雲初秀山宜爲舉世所推坐致通顯乃邀其福于祖宗者卽厄其過于子孫吾何能不爲李白李賀惜唐才人皆詩而白與賀獨騷白近乎騷者也賀則幽深詭譎較騷爲尤甚後之論定者以仙子白以鬼子賀吾又何能不爲賀惜白與賀俱不遇而一時英賢蔚起泥者出其中愛者出其中卒至廢棄寢滅而以賀視白則白之處天寶也不較愈于賀之處元和哉白于至尊之前尚能眦眦

驕橫微指隱擊一時官禁欽仰亦足傾倒一世其擠之也不過一閹人婦子耳乃賀以年少一出卽撓塵網姓字不容人間其擠之也則皆當世人豪焉賀之孤憤恨不卽焚筆硯何心更事雕績以自喜乎且元和之朝外則藩鎮悖逆戎寇交訐內則八閹十六子之徒肆志流毒爲禍不測上則有英武之君而又惑于神仙有志之士卽身膺朱紫亦且鬱鬱憂憤矧乎懷才兀處者乎賀不敢言又不能無言于是寓今托古比物徵事無一不爲世道人心慮其孤忠沉鬱之志又恨不伸紙疾書纒纒數萬言如翻江倒海一

指陳於萬乘之側而不止者無如其勢有所不能也
故賀之爲詩其命辭命意命題皆深刺當世之弊切
中當世之隱倘不深自毀晦則必至焚身斯愈推愈
遠愈入愈曲愈微愈滅藏哀憤孤激之恩于片章短
什言之者無罪聞之者不審所從來不已弄一世之
奸雄才俊如聾瞶啞且令後世之非者是者惡者
好者不得其所爲是非好惡之真心又安得其所爲
是非好惡之敢心哉

姚文燮昌
谷詩註序

昌谷生二十七歲然無年譜可考第揆之杜牧之序
則太和五年稱賀死後十有五年矣自太和五年溯

之是賀卒于元和之十二年丁酉又自元和十二年

溯之是賀生于建中之二年辛酉

琦按長吉之生當在貞元七年辛未

數至元和十二年丁酉恰二十七年也若云生于建中二年辛酉多却十年矣

歷德宗順宗

憲宗三朝詩多感諷誹怨當世忌之者多故不敢自

係以年且苦早卒又爲中表所啣以其詩投溷廁中

卽沈公子明所集四編亦皆散亂無次如高軒過一

詩乃賀七歲時爲韓員外皇甫侍御過其家使賦者

也而編之三卷中可知其卷帙之不足憑矣 詩至

六朝以迄徐庾騷雅漢魏浸失殆盡正始之音沒于

淫哇識者傷之唐詩自開元天寶而后愈趨卑弱元

白才名相埒其詩爲天下傳諷當時號爲元和體人
競習之類多淺卒靡爾而七言近體尤甚至問老嫗
之可否于竈下博才子之聲譽于禁中賀心許之乎
當元稹謁賀賀呵之曰明經中第何用謁爲豈真薄
其爲明經耶薄其競趨時名以此中第也故力挽頽
風不惟不知有開寶并不知道有六朝而直使屈宋曹
劉再生于狂瀾之際斯集惟古體爲多其絕無七言
近體者深以爾時之七言近體爲不可救藥而姑置
之不議論也夫以起衰八代之昌黎與皇甫諸公儼
然先輩乃獨降心于隴西一孺子則知昌谷起衰之

功不在昌黎下已 抱樸子曰懷莫逸之量者不矜
風俗以立異至若立異而使人斥爲神鬼也昌谷過
矣雖然响嘯石鼓音義井然世間安得有奇卽有奇
亦安得有不可解者余謂昌谷無奇處原無不可解
處第世人患耳食而胸無定識遂狗聲逐影究如夢
中說夢終屬恍惚晦菴先賢大儒也其註詩猶有議
焉者謂其拘于鄭聲滯一語而靜女子衿皆指爲滯
焉毋惑乎世之註昌谷者拘于牛鬼蛇神一語直欲
繪一獐獍幻怪之狀以爲昌谷也廬山真面目終不
可見矣

姚文燮註昌谷
集凡例三則

首卷終

李長吉歌詩卷之一

錢塘 王琦琢崖彙解

思謙蘊山較

李憑箏篋引

楊巨源有聽李憑彈箏篋詩曰聽

君王聽樂梨園暖翻到雲門第幾聲又曰花咽
嬌鶯玉嗽泉名高半在御筵前漢王欲助人間
樂從造新聲墜九天李憑蓋梨園弟子工彈箏
箏者也舊唐書箏篋漢武帝使樂人侯調所作
以祠太乙或云侯輝所作其聲坎坎應節謂之
坎侯聲詠為箏篋或謂師延靡靡之樂非也舊
說依琴制今按其形似瑟而小七絃川撥彈之
如琵琶通典箏篋胡樂也漢靈帝好之鹽曲
而長二十有三絃豎抱於懷中用兩手齊奏俗
謂之擘箏篋按箏篋之器不一有大箏篋小箏
篋豎箏篋臥箏篋鳳首箏篋數種觀詩中
二十三絃一語知憑所彈者乃豎箏篋也

李長吉歌詩

卷一

十一

吳絲蜀桐張高秋空山凝雲頽不流江娥啼竹素女

愁李憑中國彈箏篴絲桐咏其器高秋咏其時空山

咏其聲能感人情志絲之精好者出自吳地故曰吳

絲蜀中桐木宜為樂器故曰蜀桐歲華紀麗九月日

高秋亦曰暮秋博物志舜之二妃曰湘夫人舜崩二

如以涕揮竹竹盡斑史記太帝使素女鼓五十絃瑟

悲帝禁不止乃破其瑟為二崑山玉碎鳳凰叫芙蓉

泣露香蘭笑玉碎狀其聲之清脆鳳叫狀其聲之和

冶麗韓詩外傳玉出於崑山楚辭章句芙蓉蓮花也

劉勰新論秋葉弦露如泣春葩含日似笑文獻通考

燕樂有大箏篴小箏篴音遂手起曲隨絃成蓋若鶴

鳴之嘹唳玉聲之清越者也與此詩辭意畧同○崑

山一作荆山香十二門前融冷光二十三絲動紫皇

蘭一一作蘭香
上句言其聲能變易氣候卽鄒衍吹律而溫氣至之
意下句言其聲能感動天神卽圜丘奏樂而天神皆

降之意三輔黃圖長安城面三門四面十二門皆通
達九達以相經緯沈約郊居賦降紫皇於天闕太平
御覽秘要經曰太清九宮皆有僚屬其最高者女媧
稱太皇紫皇玉皇○絲一作絃皇一作篁非女媧
煉石補天處石破天驚逗秋雨淮南子女媧鍊五色
註言堊篲之聲忽如石破而秋雨逗下猶白樂天琵琶
時凝雲滿空繼之而秋雨驟作泊乎曲終人聲歇則露
氣已下朗月在天皆一時實景也而自詩人言之則驟
以爲凝雲滿空者乃篲之聲過之而不流秋雨驟
至者乃篲滿空之聲感之而旋應似景似情似虛似實
讀者徒賞其琢句之奇解者又昧其用意之巧顯夢
然明白之辭而反以爲在可解不可解之間誤矣夢
入神山教神姬老魚跳波瘦蛟舞幽若神鬼頑若異
類亦能見賞搜神記永嘉中有神見兗州白樊樊道
基有姬號成夫人夫入好音樂能彈箜篌聞人絃歌
輒便起舞舞所謂神姬疑用此事○神一
舞魚躍所謂老魚跳波瘦蛟舞暗用此事○神一

作坤
吳質不眠倚桂樹露脚斜飛濕寒兔言賞音者聽而忘倦
至於露零月冷夜景深沉尚倚樹而不眠其聲之動
人駭聽爲何如哉吳質三國時人考魏志魏畧中所
載事跡與音樂不相涉劉義慶篋篋賦云名啟端于
雅引器荷重于吳君豈卽用吳質事而載籍失傳今
無可考證歟
寒兔謂秋月

殘絲曲

吳正子註此篇言晚春之景

垂楊葉老鶯哺兒殘絲欲斷黃蜂歸綠鬢年少金釵

客縹粉壺中沉琥珀縹粉年少指男子金釵客指女

白詩魯酒若琥珀又云蘭陵美色鬱金花臺欲暮春

香玉碗盛來琥珀光○年少一作少年辭去落花起作迴風舞榆莢相催不知數沈郎青錢

夾城路榆樹甚高大未生葉時枝間先生莢形似錢而小色白成串謂之榆莢俗謂之榆錢自後

葉生茨亦尋落春秋元命包云三月榆莢
落晉書吳興沈充鑄小錢謂之沈郎錢

還自會稽歌 并序

庾肩吾於梁時嘗作宮體謠引以應和皇子及國
勢淪敗肩吾先潛難會稽後始還家僕意其必有
遺文今無得焉故作還自會稽歌以補其悲南史
吾字慎之入歲能賦詩初為晉安王國常侍王每
徙鎮肩吾常隨府王為皇太子兼東宮通事舍人
後為安西湘東王中錄事參議軍太子率更令
中庶子及簡文卽位以肩吾為度支尚書時上流
藩鎮並據州拒侯景矯詔遣肩吾使江州喻當
陽公大心肩吾因逃入東賊宋子仙破會稽購得
肩吾謂曰吾聞汝能作詩今可卽作當貸汝命仍
吾操筆便成辭采甚美子仙乃釋以為建昌令仍
問道奔江陵歷江州刺史領義陽太守隋書梁簡
文之在東宮亦好篇什清詞巧製止乎衽席尚

雕琢蔓藻思極闢之內後生好事遞相倣手朝
 野紛紛號為宮體大唐新語梁簡文之為太子好
 作艷詩境內化之浸以成俗謂之
 宮體肩吾所作官體譚引今不傳

野粉椒壁黃濕螢滿梁殿二句見臺城破後宮殿荒

房殿名皇后所居也以板和泥塗壁取其溫而芳也

螢木腐草所化多生下濕之地故曰濕螢○螢一作

臺城應教人秋衾夢銅鞮容齋續筆晉宋間謂朝

為臺城官軍為臺軍使者為臺使卿士為臺故稱禁城

為臺格令人於他處指言建康為臺城則非也景定

建康志臺城一曰苑城木吳後苑城晉成帝咸和五

新宮成名建康宮即所謂臺城也在上元縣東北五

里魏晉以來人臣於文字間有屬和於天子曰應詔

於太子曰應令於諸王曰應教詩序言應和皇太子故

云應教文苑英華載庾肩吾詩有和晉安王薄晚逐

京北樓回應教詩咏朝牀應教詩奉和汎舟漢水往

萬山應教詩數篇陸機詩撫劍吳霜點歸鬢身與塘

遵銅鞮李善注銅鞮太子車飾吳霜點歸鬢身與塘

蒲晚也○塘蒲中蒲草也晚脈脈辭金魚羈臣守

逋賤承上而言髮白身老不堪再仕當永辭榮祿守

魚袋古之算袋魏文皇帝易以龜唐改以

出城寄權璩楊敬之唐書權璩字大圭元和初

稱宰相李茂宗閔薦為中書舍人貶閬州刺史有美

敬之字茂宗閔薦為中書舍人貶閬州刺史有美

郎中坐李宗閔黨貶連州刺史文宗向儒術以

檢校工部尚書兼祭酒卒敬之常為華山賦示

韓愈愈稱之士林一時傳布李德裕尤容賞唐

草暖雲昏萬里春宮花拂面送行人自言漢劍當飛

城後感寄之作誤著時為所取去其交情之密可知矣此詩乃

去何事還車載病身

異苑晉惠帝太康五年武庫火燒漢高祖斬白蛇劍孔子履王

莽頭等三物中書監張茂先懼難作列兵陳衛咸見此劍穿屋飛去莫知所向

示弟

別弟三年後還家一日餘醪醕今夕酒細帙去時書

左思吳都賦飛輕軒而酌綠醪李周翰註醪醕酒名李善註吳都賦飛輕軒而酌綠醪李周翰註醪醕酒名

曰鄱酒盛弘之荆州記曰淦水縣有鄱湖取水為酒名問鳥程鄉有井官取水為酒極甘美與湘東鄱湖

酒年常獻之世稱醪醕酒昭明太子文選序飛文染翰則卷盈乎細帙呂向註細淺黃色也帙書衣也古

人書卷之外有帙裏病骨猶能在人間底事無言病之如今裏袂之類

後幸存下句言人事多故底何須問牛馬拋擲任梟

事猶言何事也○猶一作獨而隨意去取之意李翱盧此識有司不能分別真材而隨意去取之意李翱

五木經王采四盧白雉犢販采六開塞塔禿獼象

皆元曰盧皆白曰白雉二元三曰雉牛三白二曰
 雉一牛一白三曰開雉如開厥餘皆元曰塞雉白各
 二元一曰塔牛元各二白一曰秃白三元二曰獾白
 狀似今之杏仁凡子悉為兩面其一面塗黑黑之上
 畫牛犢以為之章一面塗白白之上畫雉凡投子者
 五皆現黑則其名盧盧者黑也言五子皆黑也五黑
 皆現則五犢隨現從可知矣此在樗蒲為最貴之采
 援木而擲往往叱喝使致其極故亦名呼盧也其比
 五子四黑而一白則四犢一雉其采名雉用以此
 盧降一等矣自此而降白黑相雜每者勝也
 故或名為臬即鄧艾言云六博得臬者勝也

竹

入水文光動抽空綠影春露華生筍徑苔色拂霜根

生一織可承香汗裁堪釣錦鱗
 作垂織可承香汗裁堪釣錦鱗
 裁堪一三梁曾入用一節奉王孫
 作竿應一三梁曾入用一節奉王孫

以二事未詳曾益
 以三梁為梁柱

引顧凱之竹譜篙與由衙厥體俱洪南越之君梁柱
是供為證吳正子以漢唐冠制有三梁兩梁之制悉
指此按太平御覽周書曰成王將加元服周公使人
來零陵取文竹為冠徐廣與服志雜注曰天子雜服
介幘五梁進賢冠吳說或是
王三梁進賢冠吳說或是

同沈駙馬賦得御溝水

入苑白泱泱宮人正靨黃

言早起入苑正當宮人梳

見劉須溪嘗其似不相涉非也詩小雅瞻彼洛矣惟
水泱泱毛傳云泱泱深貌西陽雜俎近代粧近靨
如射月曰黃星靨靨細之名蓋自吳孫和鄧夫人也
事物紀原婦人粧喜作粉靨如月形如錢樣或以朱
脂畫遠隄龍骨冷拂岸鴨頭香龍骨似指溝邊砌石
鴨頭綠舊時染色之
名見顏師古急就篇注李別館驚殘夢停杯泛小觴
太白詩通看漢水鴨頭綠夢其流漸疾可浮泛
其聲雲激能驚醒別館之曉夢其流漸疾可浮泛
陸客之小觴齊諧記周公成洛邑因流水泛觴幸

因流浪處暫得見何郎

李善文選註典畧曰何晏字平叔南陽人也尚金鄉公主

有奇才頗有材能美容貌茲取之以驗沈也

始為奉禮憶昌谷山居

唐書百官志太常寺有奉禮郎二人從九品上

因學紀聞張文潛有春遊昌谷訪長吉故居云惆悵錦囊生遺居在何處在河南府宜陽縣西九十里東河南志昌谷水在河南府宜陽縣西九十里舊名昌河又名刀輦川源山陝州流經永寧宜陽縣界入洛疑昌谷山居當在此間

掃斷馬蹄痕衙回自閉門

官閑職冷無車馬之賓相過亦無役從故閉門之事

自以身長鎗江米熟小樹囊花春

無上句見穀食之外句

親之見棗樹之外無花木可玩廣韻鎗鼎類韻會鎗釜屬增韻有耳足通俗文舖有足曰鎗緯畧曰三足溫酒謂江鄉所產之米棗木質堅而心赤四月生葉尖而

光澤五月開小花白色
 微青芳馥作幽蘭香
 皆寫羈旅無聊之况如
 不測鍊鐵為之長二尺
 市然晉唐人以為私居
 是東路歸故里王導謂
 也大書會去洛鶴病悔
 蕪文類聚述異記曰陸
 快犬名曰黃耳機後仕
 人語機羈旅京師久無
 馳取消息否犬出驛路
 繫之犬頸犬出驛路走
 經大水輒依渡者弭耳
 船載近岸犬即騰上逸
 開簡取書看畢犬又向
 書內筒復繫犬頸犬既
 旬犬往還纔半月古詩
 十五五羅列成行妻卒
 六里一徘徊吾欲啣汝
 去口噤不能開吾欲負
 汝去

向壁懸如意當簾閣角巾
 句二

毛羽自推頽詩用此事
當因其婦臥病故與
土甌封茶葉山杯鎖竹根不

知船上月誰棹滿溪雲
此上四聯皆言奉禮官舍景况

字鎖字見主人不在之意
平寰字記段氏蜀記云巴州以竹根為酒注子為之太

珍貴酒譜老杜詩醉倒終同臥竹根蓋以竹根為飲
器也庚信詩野燼燒樹葉山杯捧竹根○棹一作掉

七夕
七夕之夜兼明書古書以七月七日為牽牛織女聚會

夕七

別浦今朝暗羅帷午夜愁
別浦天河也以其為牛女

浦俗傳七月七日天河隱故曰暗午夜謂半夜如日
午之謂愁者長吉自謂時常七夕牽牛織女亦得聚

會已乃中宵獨處能無愁嘆細玩末二句愁字之意
自見從雙星着解者非是○別浦曾本姚本作別浦

鵲辭穿線月花入曝衣樓
成橋而渡織女荆楚歲時

記七夕人家婦女結綵縷穿七孔針陳瓜果於庭中以乞巧初學記崔實四日月令曰七月七日曝經書及衣裳太平御覽宋卜子陽園苑疏曰太液池西有武帝服衣闌常至七月七日宮女出后衣登樓曝之

天上分金鏡人間望玉鉤錢塘蘇小小更值一年秋

分金鏡謂七夕之月狀如半鏡也亦暗影牛女暫時會合仍復別離如鏡之分破不能常圓意玉鉤事未詳稽七夕故事有鄭采娘者夢織女遺一金針有蔡州丁氏者見流星墜筵上而得金梭有真如尼者見五色雲墜地化為囊中有寶玉五事玉鉤事殆亦類此而今失傳耳舊註以金鏡玉鉤俱解為月如是則犯合掌病矣况七夕之月初不似玉鉤形乎蘇小小錢塘妓女詳見後註此詩是長吉常七夕之期有所懷而作者蘇小小借以喻所懷之人耳○更曾本二姚本俱作又

過華清宮元和縣驪山上開元十一年初置溫泉宮應

天寶六年改為華清宮一統志華清宮在陝西西安府驪山下唐太宗建以溫湯所在初名溫

泉宮元宗敗日華清治湯爲池環山列宮帝每歲臨幸內有飛霜九龍長生明珠等殿

春月夜啼鴉宮簾隔御花雲生朱絡暗石斷紫錢斜

紫錢苔蘚之紫者其形似錢玉椀盛殘露銀燈點舊紗點小黑也舊曾本

作蜀王無近信泉上有芹芽泉上芹芽卽詩人黍離

蜀土之日泉上已有芹生况今日久不復巡幸其風景之荒涼宜矣一結深有不盡之致曾益註元宗寵

楊太真任安祿山以致禍亂蒙塵走蜀故曰蜀王寓

處欠理議刺意琦謂以本朝帝主而稱之曰蜀王終是長吉

送沈亞之歌 并序

文人沈亞之元和七年以書不中第返歸於吳江
吾悲其行無錢酒以勞又感沈之勤請乃歌一解

以送之

文獻通考沈亞之字下賢長安人元和十

年進士

累遷殿中侍御史內供奉終郢州

掾

亞之以文辭得名嘗遊韓愈門李賀杜牧李商

隱俱有

擬下賢詩亦當時名輩所稱許云通典唐

貢士之法

有秀才明經有進士有明法有書有

策

唐書選舉志凡書學先口試通乃墨試說文字

林二十條

通十八為第樂府詩集凡諸調歌辭並

以一章為一

解古今樂錄曰俗歌以一句為一解

中國以

一章為一解王僧虔啟云古曰章今曰解

解有

多少詩君子陽陽兩解南山有臺五解之類

也

送吳本姚仙期本俱作勞

吳興才人怨春風桃花滿陌千里紅紫絲竹斷驄馬

小家住錢塘東復東

吳興郡即湖州唐詩紀事以沈

長安人觀此詩則通考誤也古樂

府青驄白馬紫絲韁斷字疑訛

白藤交穿織書笈

短簾齊裁如梵夾雄光寶礦獻春卿烟底蒨波乘一

葉

書笈書箱也大業雜記新翻經本從外國來用貝

綴

其一邊如牒然今呼為梵夾胡三省通鑑註梵夾

者

貝葉經也以板夾之謂之梵夾寶礦金銀璞石也

言

沈之書于短策者裁截齊整狀若梵夾無不收之金銀

寶

礦其光雄不可掩遏獻之春卿宜無不收之理

白

帖禮部亦曰春卿驀越也言其乘一葉扁舟越

波

濤而至也湘川記繞川行舟遠望若一樹葉春

卿

拾才白日下擲置黃金解龍馬携笈歸江重入門

勞

勞誰是憐君者言禮部選人材當白日之下而

猶

之見黃金而棄擲之遇龍馬而解放之其失人亦

甚

矣周禮馬八尺以上為龍○江姚仙期本作家

吾聞壯夫重心骨古人三走無摧挫請君待旦事長

鞭他日還較及秋律

三走暗用管仲三仕三見逐之

策

馬歸去還轅謂復至京師月令孟秋之月律中夷

則

仲秋之月律中南呂季秋之月律中無射以秋月

李長吉歌詩

卷一

九

為秋律本此通典大抵選舉人以秋初就路春末方
歸故岑參送杜佑下第詩云還須及秋賦是也此詩
紀將歸之景則云滿陌桃花望良友之來則云還轅
秋律居然可知舊解紛紜未為允當○壯夫姚經三
本作丈夫

咏懷二首

長卿懷茂陵綠草垂石井彈琴看文君春風吹鬢影
梁王與武帝棄之如斷梗惟留一簡書金泥泰山頂
此篇蓋借司馬長卿以自況也長卿懷茂陵綠草垂
石井見閑居幽靜之意彈琴看文君春風吹鬢影見
室家相得之好梁王與武帝棄之如斷梗惟留一簡
書金泥泰山頂謂已在上之人皆棄而不用至身
沒之後見其遺書而反思之以施用於世也史記司
馬相如字長卿事孝景帝為武騎常侍梁孝王來朝
從游說之士鄒陽枚乘吳莊忌夫子之徒相如見而
龍之因病免客游梁梁孝王令與諸生同舍孝王卒

相如歸素與臨邛令王吉相善于是往舍都亭臨邛
中富人卓王孫程鄭乃相謂曰令有貴客爲具名之
酒酣臨邛令前奏琴相如爲鼓一再行是時卓王孫
有女文君心悅而好之夜亡奔相如相如與卓氏婚
饒于財其進仕宦未嘗肯與公卿國家之事稱病閑
居不慕官爵既病免家家居茂陵天子曰司馬相如病
甚可往從悉取其書若不然後失之矣使所忠往而
相如已死其妻對曰長卿未死時爲一卷書曰有使
來求書奏之其書言封禪事天子異之相如既卒五
歲天子始祭后土八年而遂先禮中岳封于泰山至
梁父禪肅然漢書武帝元封元年登封泰山孟康曰
王者功成治定告成功于天封崇也助天之高也刻
石紀號有金策石函金泥玉檢之封按
金泥以水銀和金爲泥以封玉牒者

其二

日夕著書罷驚霜落素絲鏡中聊自笑詎是南山期
頭上無幅巾苦蘗已染衣不見清溪魚飲水得相宜

李長吉歌詩

卷一

長吉每旦騎驢出遊遇有所得卽書投錦囊中及暮歸足成之所謂日夕著書是其事也其母見所書多輒曰是兒要當嘔出心乃已爾其苦吟若是故方年少而已見白髮自笑用心過勞非養生以致壽考之道當知自悔科頭野服隨意自適如清溪之魚飲水從容乃得相宜何爲役役而稿死于文字之間乎詩小雅如南山之壽不爲不爲不崩宋書漢末王公名士多委正服以幅巾爲雅所不爲所謂幅巾者不著冠幘以一幅之中褻其頭蓋取其便適而已苦藥黃藥木皮也其味甚苦故曰苦藥可以染黃色田野人家多用之○著書二姚本作看書相宜吳本作自宜

追和柳惲按梁書柳惲字文暢河東解人也立仕仕至吳興太守嘗作江南曲云汀洲採白蘋

不落江南春復應晚不道新相知只言行路遠吳

正子以長吉追和者必是此篇故首有汀洲白

蘋之句今細校之二詩意不相類恐追和者另是一篇

汀洲白蘋草柳惲乘馬歸江頭
檣樹香岸上蜎蜎飛
酒杯箬葉露玉軫蜀桐虛朱樓
通水陌沙暖一雙魚

白居易白蘋洲一名白蘋記湖州城東南二百步抵雷溪
云汀洲採白蘋因以為名也爾雅翼蘋葉正四方中
拆如十字根生水底葉敷水上五月有花白色故謂
之白蘋說文檣果似梨而酢太平寰宇記箬溪在湖
州長興縣南五十步一名顧渚口一名趙瀆注于太
湖顧野王輿地志云夾溪悉生箭箬南岸曰上箬北
岸曰下箬二箬皆村名村人取下箬水釀酒醇美勝
于雲陽俗稱箬下酒韋昭吳錄云烏程箬下酒有名
山謙之吳興記云上箬下箬村並出美酒張協七命
云酒則荆南烏程則此酒也劉歙容宛轉歌金徽玉
軫為誰鏤軫者琴柱所以繫絃麗者以玉為之古稱
益州白桐宜為琴瑟所謂蜀桐也
○檣樹一作檣樹箬葉一作若葉

春坊正字劍子歌

唐書百官志東宮官左春坊
司經局有正字二人從九品

上

先輩匣中三尺水曾入吳潭斬龍子

演繁露唐世舉人呼已第者為

先輩吳潭斬龍子暗用周處

斬蛟事○吳潭一作吳江隙月斜明刮露寒練帶

不鋪吹不起

隙月隙中月光其狹而長者有似劍形故以喻之禮記士練帶正義曰士用熟

烏練為帶詩人用者蛟胎皮老蒺藜刺鵂鵂萍花白

鵂鵂尾

以鰈魚皮為劍室其珠文歷落若蒺藜之刺以鵂鵂尾鵂鵂青萍劍刃則光采艷發如白鵂鵂之尾郭璞

山海經註鰈魚皮有珠文而堅尾長三四尺末有毒

蓋人皮可飾刀劍今臨海郡有之本草鵂鵂水鳥也

大如鳩鵂脚近尾不能陸行常在木中人至則沉或

擊之便起其膏塗刀劍不鏽鵂鵂音匹梯卽鵂鵂也

連音翠染也又本草白鵂鵂似山雞而色白有黑文如

連漪尾長三尺體備冠距紅頰赤嘴丹爪○蛟胎皮

老鵂鵂一作蛟鵂老

直是荆軻一片心莫教照見春坊字

言此劍奇如壯士見之必知寶惜如心肝若春坊正
字乃與校四庫書籍之職無所藉用未免為此劍有
不遇知已之感故曰莫教照見春坊字或云疑是時
春坊之臣有邪僻不正者長吉惡之而借此發揮以
泄其不平之氣亦是一說○直授絲團金懸麗敷神
是作真是莫教一作分明
光欲截藍田玉劍之音那以兩手相切摩也授絲以爲
下垂麗然麗敷抱香懷則麗敷即麗敷也賀詩用懸
鄧詩叙垂麗敷抱香懷則麗敷即麗敷也賀詩用懸
鄧詩麗敷抱香懷則麗敷即麗敷也賀詩用懸
又作麗敷抱香懷則麗敷即麗敷也賀詩用懸
謂以金飾首而以絲罩其上如意度之其說近是垂之貌
而以今之劍柄所飾者解之然于懸然此從字體着意
命水截蛟鴻陸渾奔馳列子西戎獻銀鍔之劍其劍
長尺有咫鍊鋼赤刃用之切玉如泥馬水經註麗戎
之山一名藍田其陰多金其陽多玉通典京兆郡有
藍田縣出美玉王之美者曰球次曰藍蓋以縣出玉
故名提出西方白帝驚吸吸鬼母秋郊哭漢書高祖

為長言言
所有大蛇當徑乃前拔劍斬蛇分為兩後人來至蛇
所有一老嫗夜哭人問嫗何哭嫗曰人為蛇常道今
嫗子何為見殺嫗曰吾子白帝子也化為蛇常道今
者赤帝子斬之人以嫗為不誠欲苦之嫗忽不見班
彪王命論始起沛澤則神母化出○鬼母文苑作鬼姥
詩用鬼母正從神母字化出

貴公子夜闌曲

夜闌夜
盡也

曼曼沉水烟烏啼夜闌景曲洺芙蓉波腰圍白玉冷

南州異物志沉水香出日南欲取當先斫壞樹着地
積久外白朽爛其心至堅者置水則沉名曰沉香白
玉謂腰帶上所飾之玉
冷字寫夜盡曉寒之狀

雁門太守行

按樂府詩集雁門太守行乃相和
歌瑟調三十八曲之一古詞備述

洛陽令王渙德政之美而不及雁門太守事所
未詳也若梁簡文帝之作始言邊城征戰之思
長吉所擬
蓋祖其意

雲歷城城欲摧甲光向月金鱗開晉書凡堅城之

名曰軍精幽閑鼓吹李賀以歌詩謁韓吏部吏部時

為國子博士分司送客歸極困門人呈卷解帶旋讀

之首篇雁門太守行曰黑雲歷城城欲摧甲光向日

金鱗開却接帶命邀之○何月曾本二姚本作向日

角聲滿天秋色裏塞上燕脂凝夜紫吹之畫角也軍中

之節者宋書角書記所不載或云出羌胡以驚中國

之馬或云出吳越塞上燕脂凝夜紫舊註引古今註

秦築長城土色皆紫故曰紫塞為解瑋按當作暮色

解乃是猶王勃所謂烟光凝而暮山紫也又脣書長

孫展傳曰臣夜登城樓望見磧北有赤氣長百餘里

皆如雨足下垂被地謹驗兵書此各酒血其下之國

必且破亡欲滅匈奴正在今日引此

為解似更確○塞上吳本作塞土

水霜重鼓寒聲不起

史記正義水出易州易縣東與滹沱河

合漢書李陵傳吾士氣少衰而鼓不起者何也不起

字雖本于此然彼謂擊鼓進士而士氣不起此謂天

李長吉歌詩

卷一

三

冷霜濃而鼓聲不起一抑同此數字意則大報君黃金臺

上意提携玉龍為君死東上谷郡圖經黃金臺在易水

于臺上以延天下之士王龍劍也唐王初詩亦有劍

光橫雪玉龍寒之詞知唐人多以玉龍稱劍也此

篇蓋咏中夜出兵乘間擣敵之事黑雲壓城城欲摧

甚言寒雲濃密至雲開處迴露月光與甲光相射有

似金鱗此言初出兵之時語氣甚雄壯角聲滿天寫

軍中之所聞塞上臙脂寫軍中之所見半卷紅旗見

輕兵夜進之捷霜重鼓咽寫冒寒將戰之景末復設

為誓死之詞以答君上恩禮之隆所以明封疆臣子

之志也舊解以黑雲壓城為孤城將破之兆鼓聲不

起為士氣衰敗之微吳正子謂其頗似敗後之作皆

非也至王安石譏其言不相副方黑雲陰倏晴瞬息

而變方見愁雲凝密有似霖雨欲來俄而裂開數尺

日光透漏矣此象何歲無之何處無之而漫不之覺

吹渡索垢以譏議前人必因衆人皆以為佳而顧反

訾之以為矯異耳即此一節安石生平之拘可槩見

矣○玉龍文苑英華
作玉環一作玉琴

大堤曲

按大堤曲起于簡文帝所謂雍州十曲之一或云宋隨王誕襄陽曲曰朝發襄

陽來暮至大堤宿大堤諸女兒花艷驚郎目大堤曲蓋出于此一統志大堤在襄陽府城外

妾家住橫塘紅紗滿桂香青雲教縮頭上髻明月與

作耳邊璫

橫塘與大堤相近其地當在襄陽非金陵沿淮所築之橫塘也舊註引吳都賦橫塘

查下邑屋隆夸非是紅紗謂紅紗窻或謂是紅紗衣釋名穿耳施珠曰璫傳元詩耳繫明月璫謂以明月

之珠為耳璫也○青雲邁風起江畔春大堤上畱北教縮一作青絲學縮

人郎食鯉魚尾妾食猩猩唇

鯉魚尾猩猩唇皆珍美之味以見飲食之豐備呂氏

春秋肉之美者猩猩之唇○妾食莫指襄陽道綠浦猩狸唇文苑英華作與客猩猩唇

歸帆少今日菖蒲花明朝楓樹老

莫指襄陽道而興遠去之思蓋一去

不能卽來不見綠浦之中歸帆之少可驗耶況日月
如馳盛年難駐朝暮之間而紅顏已更矣深言當及
時行樂之意菖蒲花可憐聞名不會識是也楓樹之老
啼古曲云菖蒲花可憐聞名不會識是也楓樹之老
者偶何多節以喻老醜之狀○綠浦一作綠浦花一
浦一作綠浦花一

蜀國絃

樂府古題要解蜀道難備言銅梁

楓香晚花靜錦水南山影

郭璞爾雅註楓樹似白楊

楓香是也太平寰宇記濯錦江卽蜀江江水驚石墜

猿哀竹雲愁半嶺

驚石調石之危險駭人者陸猿謂

水經註每至晴初霜旦林寒澗肅常有高猿長嘯屬

引凄異空谷傳響哀轉久絕故漁者歌曰巴東三峽

野竹叢生烟雲相繞其高可知行者艱之而生愁也

唐太宗詩雲凝愁半嶺霞碎緬高涼月生秋浦玉沙

天○陸曾本作墮竹雲一作竹雲

鄰鄰光

顏師古漢書註浦水涯也詩國風揚之水白石

照見水中白沙

鄰鄰有光誰家紅淚客不忍過瞿

塘升車就路之時以玉唾壺承淚壺則紅色既發常

山及至京師壺中淚凝如血方與勝覽器塘峽在夔

州東一里舊名西陵峽乃三峽之門兩崖對峙中貫

一江望之如門此二句似言春戀

蘇小小墓

齊樂府廣題蘇小小錢塘名倡也蓋南

車郎乘青聽馬何處結同心西陵松柏下西陵

在錢塘江之西方與勝覽蘇小小墓在嘉興縣

題曰蘇小小墓李紳真娘墓詩序曰嘉興縣前

上有歌吹之音○一作蘇小小歌非

幽蘭露如啼眼無物結同心煙花不堪剪草如茵松

如葢風爲裳水爲珮油壁車夕相待冷翠燭勞光彩

西陵下風吹雨

蕭子顯詩河邊細草綠如茵胡三省

也翠燭鬼火也有光而無燄故曰冷翠燭

夕一作久風吹雨一作風雨吹一作風雨改

夢天

老兔寒蟾泣天色雲樓半開壁斜白玉輪軋露溼團

光鸞珮相逢桂香陌

軋音壓輾也四句似專指月宮之景而言

黃塵清水

三山下更變千年如走馬

蓬萊方丈瀛洲三神山俱在海中今視其下有時變

爲黃塵有時變爲清水千年之閒時復更換而自天

上視之則猶走馬之速也神仙傳麻姑云接待以來

見東海三爲桑田向到蓬萊水又於往日會時畧

半耳豈將復爲陵陸乎王遠曰聖人皆言海中行復

白鶴也如走馬即

遙望齊州九點烟一泓海水杯中

瀉九州遼闊四海廣大而自天上視之不過點烟杯

中也中州猶言中國也

唐兒歌

杜爾公之子○吳正子曰諸本皆作唐

為是唐歌兒恐是倒書一字舊唐書杜黃裳字遵素京兆杜陵人拜平章事封邠國公男載為太子太僕長慶中遷太僕少卿兼御史中丞充入吐蕃使弟勝登進士第大中朝位給事中所謂唐兒者不知何人其後杜棕亦邠國公然在懿宗時去長吉之沒久矣邠字即邠字唐元宗以字形類幽改作邠

頭玉硤硤眉刷翠杜郎生得真男子

頭玉硤硤謂頭骨隆起也眉刷

翠謂眉色如翠也○

骨重神寒天廟器一雙瞳人剪

秋水

骨重言其不輕而穩也神寒言其不躁而靜也天廟器猶云瑚璉可以供宗廟而薦鬼神之器

李長吉歌詩

卷一

三

也李鄴侯外傳賀知章竹馬梢梢搖綠尾銀鸞睽光

嘗曰此穉子目如秋水錦繡萬花谷隋大業中內官

踏半臂睽音門暫視也長袖也唐高祖改其袖謂之

半臂出服半除即今之目也東家嬌娘求對值濃

笑書空作唐字信安終日恒書空作字○書吳本作

畫眼大心雄知所以莫忘作歌人姓李之眼大謂世祿

耳猶云巨眼之意若作實形解便與上文瞠神犯複

綠章封事災度厄之法依陰陽五行數術推人

年命書之如章表之儀并具贊幣燒香陳讀云

奏上天曹請為除厄謂之上章夜中于星辰之

下陳設酒脯餅餌幣物歷祀天皇太一祀五星

列宿為書如上章之儀以奏之名之為醺演繁

露今世上自人主下至臣庶用道家科儀奏事

于天帝者皆青藤紙朱字名為青詞綠章即青

詞謂以綠紙爲表章也漢書上令吏民得奏封事蓋封其書函之口不欲令其事泄露也

青霓扣額呼宮神鴻龍玉狗開天門青霓謂道士所服之衣猶楚辭

所謂青雲衣兮白霓裳之類吳正子云霓恐當作霓非也扣額卽扣頭鴻龍玉狗守天門之獸言道士着

青霓之服叩頭而呼宮神石榴花發滿溪津溪女洗

花染白雲二句未詳吳正子以白雲爲純素謂取榴花染之而以爲服予謂當是建醮之地有

此花木溪女採之淨洗而以爲服予謂當是建醮之地有賦有祝融擲火以焚香溪女捧盤而盥漱句溪女恐

是童女司壇中獻花酌水之事綠章封事元父六者染白雲卽是映白雲之意

街馬蹄浩無主虛空風氣不清冷短衣小冠作塵土

元父謂元氣之父卽天帝也葛洪枕中書東王公號曰元陽父胡三省通鑑註長安城中左右六街言綠

章封事所以諮達元父者爲六街之中馬蹄相逐而行浩然甚衆無有主名因風氣炎蒸不堪暑熱人多

賜死短衣小冠化爲塵土者不知金家香衙千輪鳴
其幾矣四句述封事中奏請之故
揚雄秋室無俗聲願携漢戟招書鬼休令恨骨填蒿
里四句乃長吉自言其意欲道士附奏之說富貴之
揚雄者陋室蕭條賁志以沒不能不抱恨于地下願
携漢戟以招之無令恨骨長埋蒿里蓋爲士之不遇
者悲乎特借雄一人以槩其餘矣漢書金日磾將
亡國羈虜漢廷而以篤敬寤主忠信自著勒功上將
傳國後嗣世名忠孝七世內侍何其盛也夫不舉他
人特舉金氏蓋以比當世蕃將之受寵者耳唐自安
史亂後蕃將多有立功者時君寵之賜爵晉封賞資
頻及連騎出入眩赫一時長吉見之不能無感荷卽
巷字香衙謂其居處之美千輪鳴謂其賓從之衆凡
招魂者必以其生平所親之物呼其名而招之使其
神識得有所憑依而歸來揚雄在漢朝爲執戟之郎
故携漢戟以招之蒿里謂葬地古蒿里曲蒿里誰家
地聚斂殯
無寶恩

河南府試十二月樂詞 并閏月

正月

上樓迎春新春歸暗黃著柳官漏遲

漏遲謂日漸長也。首句一作

正月上樓

薄薄淡靄弄野姿寒綠幽風生短絲

淡靄輕雲

也短絲謂草之初萌知細如絲者。幽風樂府詩集作出泥

錦牀曉臥玉肌冷露

臉未開對朝暝官街柳帶不堪折早晚菖蒲勝綰結

言春氣之透甚速

二月

飲酒採桑津宜男草生蘭笑人蒲如交劍風如薰

杜預

左傳註平陽北屈縣西南有採桑津齊民要術鹿葱風土記曰宜男草也高六七尺花如蓮懷妊婦人帶

李長吉歌詩

卷一

大

佩必生男爾雅翼萱草又名宜男草家語南風之薰
兮左思魏都賦蕙風如薰○首句樂府詩集作二月

飲酒採勞勞胡鶯怨酣春薇帳逗煙生綠塵本草陶

桑津玳黑而聲大者是胡燕酣春謂春氣舒暢怨者燕語

鶯鶯生綠塵金翹峨髻愁暮雲沓颯起舞真珠裙曹

一作香霧昏金翹峨髻愁暮雲沓颯起舞真珠裙洛神賦雲髻峨峨北史武成爲胡后造真珠

裙襦○金翹與本作金翹峨髻一作蛾髻津頭送

三月

別唱流水酒客背寒南山死流水曲名

東方風來滿眼春花城柳暗愁殺人柳暗一作柳禁

幾人複宮深殿竹風起新翠舞衿淨如水新翠舞衿卽

須谿以爲竹者非是○深光風轉蕙百餘里暖霧驅

殿曾本姚經三本作深凝

雲撲天地

楚辭光風轉蕙汎崇蘭些王逸註光風謂雨已日出而風草木有光也轉搖也軍

裝宮妓掃蛾淺搖搖錦旗夾城暖曲水飄香去不歸

梨花落盡成秋苑

言變與臨幸曲水從行宮妓吹作軍裝錦旗搖颺于夾城之中一去

未歸有無限喧闐而宮苑之中梨花落盡寂寞人踪

雖當春盛之時却似深秋之景杜牧之阿房宮賦云

歌素暖響春光融融舞殿冷袖風雨淒淒一日之內

一宮之間而氣候不齊亦是此意揚雄甘泉賦振殷

韓而軍裝顏師古註軍裝爲軍戎之飾裝也雍錄開

元二十年築夾城通芙蓉園自大明宮夾東羅城複

道由通化門安興門次經春明門延喜門又可以達

曲江芙蓉園而外人不知也曲水卽曲江太平寰宇

記曲江池漢武帝所鑿名爲宜春苑其水曲折有似

廣陵之江故名之胡三省通鑑註長安朱雀街東第

五街皇城之東第三街昇道坊龍華尼寺南有流水

屆曲謂之曲江此地秦爲宜春苑墮州在漢爲樂

遊園梨樹二三月開花

李白而六出繁盛如雪

李長吉歌詩

卷一

九

四月

曉涼暮涼樹如葢千山濃綠生雲外依微香雨青氛

氤膩葉蟠花照曲門金塘閒水搖碧漪老景沉重無

驚飛墮紅殘萼暗參差香雨雨自花間而墜者故有

之叢結者金塘石塘也以石為塘喻其堅固若以金

為之劉楨詩菡萏溢金塘李善註金塘猶金堤也廣

淵之水也老景謂景色入夏無繁華之態驚飛謂

花之飛舞暗參差謂花已落盡惟有青枝綠葉互作

參差而已詩家以花盛謂之明葉茂謂之暗○青氛

氤會本姚經三本作青氛氤一作過清氛沉重一作

五月

暉玉押簾額輕縠籠虛門

以雕玉為飾作門簾之鎮

帖沉

玳瑁押之古詩海牛押簾風不起蓋其類也輕縠薄
紗也以輕縠為簾帷籠于虛門之中此狀初熱之景
○簾額吳井汲鉛華水扇織鴛鴦紋本此狀初熱之景
本作簾上井汲鉛華水扇織鴛鴦紋本此狀初熱之景
散結人飲之無疾又井水回雪舞涼殿甘露洗空綠
以平旦第一汲為井華水回雪舞涼殿甘露洗空綠
羅袖從徊翔香汗沾寶粟張衡舞賦裾若飛燕袖如
落也香汗沾寶粟微汗沾漬如粟粒也梁簡文帝
詩香汗浸紅紗○羅袖從徊翔一作羅綬從風翔

六月

裁生羅伐湘竹帔拂疎霜簾秋玉裁生羅以爲帔其
湘竹以爲簾其光滑似憑秋玉潔白似拂疎霜伐
之方言裙陳魏之間謂之帔音披笱諧舜死二妃淚
下染竹成斑妃死為湘水神炎炎紅鏡東方開暈如
故曰湘妃竹○一本少帔字炎炎紅鏡東方開暈如
車輪上徘徊啾啾赤帝騎龍來山海經南方祝融獸
身人面乘兩龍枕中

書祝融氏
為赤帝

七月

星依雲渚冷露滴盤中圓

吳正子註雲渚天河也

好花生木末

衰蕙愁空閣

傳元怨歌行芙蓉生木末○空閣一作故閣

夜天如玉砌池

葉極青錢

雲氣碎薄月光映之狀如玉砌此景秋夜多有之杜子美詩點溪荷葉蠶青錢僅

厭舞衫薄稍知花簾寒

晉子夜四時歌反覆花簾上屏帳了不施顏師古急就篇

註織竹為席謂之簾太平寰宇記蜀記云渝州出花竹簾為時所重

曉風何拂拂北

斗光闌干

古善哉行月沒參橫北斗闌干闌干橫斜貌

八月

嬌妾怨長夜獨客夢歸家傍簷蟲緝絲向壁燈垂花

簾外月光吐簾內樹影斜悠悠飛露姿點綴池中荷
蠶緝絲謂莎雞其鳴聲如紡絲或曰謂蜘蛛○
婦妾一作宮妾緝絲一作織絲簾內一作簾中

九月

離宮散螢天似水竹黃池冷芙蓉死
三軒黃圖離宮也八月時螢火尚有飛者至九月

則散藏殆盡○散螢一作散雲月綴金鋪光脉脉
長門賦擠玉戶以撼金鋪李善註

涼苑虛庭空澹白
鋪扉上有金花中作鉏鋳以貫鎮韻會鋪說文云

鋪扉上有金花中作鉏鋳以貫鎮韻會鋪說文云
著門鋪首也增韻云所以叩環者作龜蛇之形以銅

為之故露花飛飛風草草翠錦爛斑滿層道
日金鋪露花飛飛風草草翠錦爛斑滿層道

經秋葉老紅黃間雜于青綠之中爛斑如翠錦也層
道路側高下不齊望之如有層級者○露花一作霜

花雞人罷唱曉瓏璵鴉啼金井下疎桐
周禮雞人大祭祀夜呼旦

以明百官漢官儀宮中不畜雞衛士候于朱雀門外
專傳雞唱李太白詩梧桐落金井一葉飛銀牀後周
明帝詩霜潭清晚
菊寒井落疎桐

十月

玉壺銀箭稍難傾缸花夜笑凝幽明

漏刻之法以銅壺貯水置箭壺

內刻以爲節令水漏而刻見以驗晝夜昏明之候玉壺銀箭言其飾之華美江總雜曲虬水銀箭莫相催
也笑花開似笑也凝幽明者半明半滅之貌花碎霜

斜舞上羅幕燭籠兩行照飛閣

張籍詩玉階羅幕微有霜燭籠左右列成

行與此聯句意相似張衡東京賦飛閣跨行薛綜註閣道相通不在于地故曰飛陸機詩飛閣跨通波李
龍曾本二姚本作龍○珠帷怨臥不成眠金鳳刺衣

音體長眉對月關彎環

因怨故不能成寐至于夜深寒重猶對月而長望金

鳳以金線刺鳳形于衣王建宮詞云羅衫葉葉繡重金鳳銀鵝各一叢蓋其時俗所尚花樣刺音城古
今註魏宮人好畫長眉○怨臥
姚仙期本作夜臥一作穩臥

十一月

宮城圍闕爽麗光白天碎碎墮瓊芳瓊芳雪
擲鐘高

飲千日酒戰却凝寒作君壽
博物志劉元石于中山

酒忘言其節度歸至家常醉而家人不知以為死也
權葬之酒家計于日滿乃憶元石前來沽酒醉向醒

耳往視之云元石亡來三年已葬于是開棺醉始醒
俗云元石飲酒一醉千日北堂書鈔志怪云齊人田

無已釀千日酒過飲
御溝泉合如環素火井溫泉在

何處
謝惠連雪賦火井滅溫泉冰華陽國志臨卽縣

之頃許如雷聲火煇出通耀數十里以竹筒盛其光
藏之可拽行終日不滅卽都縣有溫泉穴冬夏熱其

溫可淪雞豚下流治疾病在何處思之而不
可得也。○泉合一作冰合溫泉一作溫湯

十二月

日脚淡光紅灑灑薄霜不銷桂枝下依稀和氣排冬

嚴已就長日辭長夜陳後主詩日脚沉雲外謝朓詩霜下桂枝銷。排一作解

閏月

帝重光年重時以帝有重光之帝引起年有重勝之

註武猶文謂之重光也七十二候迴環推天官玉琯

灰剩飛禮記正義凡二十四氣每三分之七十二氣

謂司天文之官後漢書候氣之法為室三重戶閉塗

蠶必周密布緹縵室中以木為案每律各一內庫外

高從其方位加律其上以葭葦灰抑其內端按曆而

候之氣至者灰去其為氣所動者其灰散人及風所

動者其灰聚殿中候用玉律十二惟二至乃候靈臺
用竹律六十候日如其曆玉琯即玉管以玉為律管
也學齋估畢唐人作詩雖巧麗然有不曉義理淺陋
可笑者如李賀十二月詞其閏月云天官霞琯灰刺
飛是以閏通為十三月也不知霞灰之飛每月只是
一次而閏無中氣雖置閏之年亦只是十二個月節
候無十三個月節候之理今官曆自可見琯灰豈有
刺飛之理琦按刺飛正是飛之意閏月故歲長今王
其月霞灰刺而過今歲何長來歲遲月閏故來歲遲王
不飛此駿似過今歲何長來歲遲月閏故來歲遲王
母移桃獻天子義氏和氏迂龍繼日漢武外傳七月七
玉盤盛仙桃七顆大如鴨子形圓青色以呈王母母
以四顆與帝三顆自食桃味甘美口有盈味孔安國
書傳重黎之後義氏和氏世掌天地四時之官廣雅
日御謂之羲和初學記淮南子云爰止羲和爰息六
螭註曰日乘車駕以六龍羲和御之此詩本意用日
御之羲和而以義氏和氏稱之合二事為一事用二
句承上而推言之歲以閏月而長天子之壽亦得餐
神藥而致延年之益白日之景亦因日御遲而延晷

刻之修皆以申慶祝之意○元人孟昉曰讀李長吉
十二月樂詞其意新而不蹈襲句麗而不怕潘長短
不一音節亦異朱卓月曰諸詩大半閨情多于宮景
婦人靜貞鍾情最深三百篇夏日冬夜有不自婦人
口中出者乎以此賦詩可以細矣余光日二月送別
不言折柳八月不賦明月九月不咏登高皆避俗法

天上謠

天河夜轉漂迴星銀浦流雲學水聲天河與星皆隨

者觀之覺星之迴似天河漂之而迴者然漂音飄浮
也動也流也銀浦即天河也既云天河又云銀浦對
舉不嫌重複選詩中先有此體曾益註以天河為總
名銀浦為天河中之別派非也銀浦之中雲氣流行
有似乎水但水之流有聲而雲無聲玉宮桂樹花未
落仙妾採香垂珮纓月中有瓊樓玉宇有桂樹有素
娥此二句似指月中而言禮記
男言采冠笄者總角
香物也以纓佩之○他
妾採香文苑作仙姿綵女秦

如卷簾北窓曉窓前植桐青鳳小秦如似指秦繆公

鳳謂之鴝鴝曉作卷羅八方曉植桐作食桐本王子吹

笙鵲管長呼龍耕烟種瑤草王太子晉也好吹笙周靈

鳳鳳鳴鵲管謂笙上之管以玉為之其狀如鵲管瑤

草仙家所植玉芝之類十洲記方丈洲在東海中心

芝草課計頃畝如種稻狀正此洲仙家數吹笙文苑作

簫粉霞紅綬藕絲裙青洲步拾蘭茗春當霞藕絲名

元稹詩藕絲衫子柳花裙是也上洲記長洲一名青

邱在南海辰巳之地地方五千頃大岸二五萬里

上饒山川及多大樹乃有仙草靈藥甘液玉英靡所

郭璞詩翡翠戲蘭苔李善註蘭苔蘭秀也張銑註若

仙期本作青州非姚東指義和能走馬海塵新生石

李長吉歌詩

卷一

香

山下能走馬言日行之疾速如走馬海塵新生石山

生石山下文苑作

浩歌楚辭臨風慨兮浩歌浩歌大歌也

南風吹山作平地帝遣天吳移海水王母桃花千徧

紅彭祖巫咸幾回死山海經朝陽之谷神曰天吳是

足八尾背青黃漢武內傳王母仙桃三千一開花

三千年一陸終氏之子歷夏至殷末八百餘歲常食

靈芝善導引行氣後昇仙而去王逸楚辭註巫咸古

神巫也郭璞巫咸山賦巫咸者實以鴻術為帝堯醫

生為上公死為貴神四句言山川更變自開闢至今

不知幾千萬歲人生其青毛驄馬參差錢嬌春楊柳

舍細烟等入勸我金屈卮神血未凝身問誰曉馬馬

色者其文作淺深斑駁郭璞爾雅註謂之連錢驄金
厨巨酒器也據東京夢華錄云御筵酒盞皆屈卮如
菜碗樣而有把手此宋時之式唐時式樣當亦如此
神血未凝身問誰謂精神血脈不能凝聚長生于世
上此身果誰屬乎猶莊子身非汝有之意四句見及
時行樂亦無多時○文苑英華本驄馬作駿馬細烟
作細烟神血未凝身問誰不須浪飲丁都護世上英雄
誰作神血未凝身是誰
本無主買絲繡作平原君有酒唯澆趙州土舊丁都護
劉宋時之都護丁州昨又謂歌樂府中丁都護之曲而
侑觴琦按唐時邊州設都護府掌撫慰諸蕃輯寧外
寇規候奸譎征討擣貳大都護從二品副大都護從
三品上都護正三品副都護從四品丁都護當是丁
姓而會為都護府之官屬或是不遇知已之嘆故以其官
與長吉同會縱飲慷慨有不遇知已之嘆故以其官
稱之告之以不須浪飲世上英雄本來難遇其人惟當
之平原君虛已下士深可敬慕今日既無其人惟當
買絲繡其形而奉之取酒澆其墓而弔之已矣深嘆
舉世無有能得士者元和郡縣志平原君墓在洛州

李長吉歌詩

卷一

三

肥鄉縣東南七里不在趙州而此云趙州土以漏催平原君為趙之公子故云○浪飲文苑作亂舞

水咽玉蟾蜍衛娘髮薄不勝梳看見秋眉換新綠二

十男兒那刺促刻漏之制以銅為器貯滿清水上為銅龍口中吐之下作蟾蜍張口承水

流入壺中以驗時刻漏催水咽玉蟾蜍見光陰易過衛娘髮薄不勝梳見治容易衰漏水必是飲酒筵側

所設儀器衛娘亦是奉觴之妓昔據一時所見者而言末二句自言其志不能受役于人也潘岳閑道謠

和嶠刺促不得休魏書李軌徐紇刺促以求先刺促謂受役于人徐文長以不開懷解之非也○文苑本

髮薄作髮薄看見作羞見新綠作深綠二十作世上

秋來

桐風驚心壯士苦衰燈絡緯啼寒素秋風至則桐葉落壯士聞而心

驚悲年歲之不我與也衰燈燈不明者絡緯莎雞也其聲如紡績故曰啼寒素或曰絡緯故是蟋蟀鳴則

天寒而衣事起故又名趣織詩疏趣織鳴機婦驚誰
是也帝寒素猶趣織云○壯士文苑英華作志士誰
看青簡一編書不遣花蟲粉空蠹後漢書吳恢欲殺
青簡以寫經書呂
延濟曰青簡竹簡也古無紙用以書漢書出一編書
顏師古曰編謂聯次之也聯簡牘以為書故云一編
遣驅逐也花蟲蠹蟲也竹思牽今夜腸應直雨冷香
簡久不動則蠹蟲生其中
魂弔書客秋墳鬼唱鮑家詩恨血千年土中碧苦心
作書
思以傳後奈無人觀賞徒飽蠹魚之腹如此即今嘔
心鏤骨章鍛句鍊亦有何益思念至此腸之曲者亦
幾牽而直矣不知幽風冷雨之中乃有香魂慙弔作
書之客若秋墳之鬼有唱鮑家詩者我知其恨血入
土必不泯滅歷千年之久而化為碧玉者矣鬼唱鮑
家詩或古有其事唐宋以後失傳○香魂文苑作鄉
魂

帝子歌

洞庭帝子一千里涼風雁啼天在水

山海經洞庭之山帝之二女居之

之是常遊于江湖漚沅之風交瀟湘之浦是在九江之間出入必以飄風暴雨帝天帝也以其為天帝之女故曰帝子與楚辭所稱堯女為帝子者不同一千里言其所治之地甚廣涼風雁啼深秋之候天在水天光下映水中風平浪靜佳

景可想

○帝子一作明月

九節菖蒲石上死湘神

彈琴迎帝子

古詩石上生菖蒲一寸八九節仙人勸我餐令我好顏色湘神彈琴即楚辭使湘靈鼓瑟

所謂湘君湘夫人也湘神彈琴即楚辭使湘靈鼓瑟之意蓋帝子貴神也下人不敢瀆請轉祈湘神彈琴以迎以冀望

山頭老桂吹古香雌龍怨吟寒水光沙

浦走魚白石郎閑取真珠擲龍堂

以下言帝子不肯來格桂老故其香

稱為古香帝子為女神故龍言雖龍二句寫帝子不來景象寂寥之意古樂府白石郎臨江居前導河伯後從魚白石郎亦水神也尊貴之神不來紛紛奔走者惟小水之神而已閑取真珠擲龍堂猶楚詞捐余

缺兮江中遺余佩兮豐浦之意明己之珍寶不敢愛
借以求神之昭鑒庶幾其陟降于庭也楚辭魚鱗屋
兮龍堂王逸註言河伯所居以此篇旨趣全放楚辭九
龍之文形容異制甚鮮好也此篇旨趣全放楚辭九
歌會其意者絕無怪處可覓

秦王飲酒

秦王騎虎遊八極劍光照空天自碧二句言其以威
武治天下之意
古之稱帝王者謂其時乘六龍以御天此則變言騎
虎遊八極各有取義一以文德爲美一以武功見長
劍光照空天自碧見天亦義和敲日玻璫聲劫灰飛
不違其意而況于人乎
盡古今平二句言日月順行天下安平之意法苑珠
林依起世經云日天宮殿縱廣正等五十
一由旬上下亦爾以二種物成其宮殿正
方如宅遷
看似圓何等爲二所謂金及玻璫一面兩分皆是天
金成清淨光明一面一分是天玻璫成淨潔光明義
和爲日之御敲日者策之而使之行也三輔黃圖武

李長吉歌詩

卷一

三

帝初平昆明池得黑土帝問東方朔曰西域
胡人知乃問胡人胡人曰劫燒之餘灰也釋氏謂經
年歲久遠人壽極短乃至朝生夕死然後有大水大
火大風之災一切除去更立生人謂之一劫劫灰飛
盡謂災難不作乃古今太平之龍頭瀉酒邀酒星金
時○古今平文苑作今太平之龍頭瀉酒邀酒星金
槽琵琶夜棖棖洞庭雨脚來吹笙禮記夏后氏以龍
也孔穎達正義勺為龍頭梁簡文帝詩湘東醺醉酒
廣州龍頭錦北堂書鈔西征記云太極殿前有銅龍
長二丈銅尊容四十斛正且大會群臣龍從腹內受
酒口吐之于尊內孔融論酒禁書天垂酒星之耀地
列酒泉之郡金槽以金飾琵琶之槽也棖琵琶聲
古詩棖影聽金槽吳正子註雨脚未詳恐為優人之
屬曾益註笙一名參差而斜吹之如雨脚即川巫山事
註雨脚以吹笙而聚董懸策云雨脚即川巫山事數
說未知孰是而姚經三以為酒酣喝月使倒行銀雲
狀其聲之幽忽似為近之

惓惓瑤殿明宮門掌事報一更

史記集解應劭曰不
醉不醒曰酣一曰酣

治也。喝月使倒行不欲其速落。猶傳元詩：「安得長繩繫白日之意。」銀雲白雲也。月光映之，燦爛如銀。下映宮殿，皎如白晝。櫺櫺相比，次貌舊唐書宮門郎掌內外宮門鎖鑰之事。報一更見卜夜未久之意。呂種玉言：「騷引賀詩：宮中掌事報六更以證唐時宮漏有六更不止五更之制，則似言徹夜宴飲之久，語句更覺聯貫。」然考諸本無有作六花樓玉鳳聲嬌獐海綃紅更者。不知呂氏何所據。

文香淺清黃鵠跳舞千年觥。
吳正子註：玉鳳疑簫聲。瑞惡也。儇弱也。困也。劉禹錫傳：鼓吹裴回其聲，儇儇。按上文已言琵琶吹笙不應，雜攸徵，歸後又復言簫。蓋花樓玉鳳一句，謂歌舞雜進，與上文之絲竹並陳。謂舞態之婆娑，此時歌舞雜進，與上文之絲竹並陳。截然分界，兩不相蒙。詩體段落如是，海綃海中鮫人所織之綃，述異記南海出鮫，綃如泉，先潛織一名龍紗。其價百餘金，以爲服入水不濡。此句似言舞者形勢舞者所執之中黃鵠跳舞，恐是舞名，或是舞者形勢俱未可定。吳正子註：黃鵠恐當作鵠，蓋是姬人勸酒也。千年觥謂獻壽酒而祝稱千秋也。○黃鵠文苑作

黃仙
人燭樹
蟻烟輕
清琴醉
眼淚泓
泓海錄碎事仙

娥其皮枯剝如倚桂以為燭可燃數十刻琦按王宮

夜宴窮極奢修未必肯用草木之皮以代燭或者燭

上畫仙人之形或燭臺作仙人之像或是當時有此

佳名之燭俱未可定其曰樹者猶枝也記燭之數曰

幾枝古今通有此稱清琴文苑英華作青春一作青

琴琦謂作青琴者是也上林賦青琴宓妃之徒伏儼

曰青琴古神女也以喻妃嬪蓋歌舞方喧銀燭之下

見如嬪之眼色泓泓已作醉態夫侍宴之妃嬪醉而

秦王之醉不言而自見矣若照本作文作清琴解謂樂

盡悲來問琴淚落如孟嘗君闔雍門之琴而泣然涕

泣者不惟于全首詩意不稱而句語晦滯亦全不成

文理○題作秦主飲酒而詩中無一語用秦國故事

舊註以為始皇而作非也姚經三以為為德宗而

作德宗性剛暴好宴遊常幸魚藻池使宮人張水嬉

綵服雕犀絲竹間發飲酒為樂故以秦王追請之琦

按德宗末為太子嘗封雍王矣雍州正秦地也故借

秦王以為稱其說近是而以雍王為追請則非也德宗為

雍王時嘗以天下兵馬元帥平史朝義又以關內元

帥出鎮咸陽以禦吐蕃所謂騎虎遊八極劍光照空
天自碧者此也自朱泚李懷光平後天下畧得安息
所謂劫灰飛盡古今平者是也禍亂既平國家閑暇
書與宮妃宴樂飲酒亦事之常長吉極意抒寫聯以
紀一時之事未必有意識謂其說之不當過于侈張
乃是長吉不能少加以理使然若句模字擬深交曲
解以為誹議之詞不惟失詩人之意而附會穿鑿章
法段落俱無脉絡貫注于中不免以文害辭以辭害
矣意

洛姝真珠

洛姝謂洛陽之美人真珠其名也

真珠小娘下青廓洛苑香風飛綽綽謂青廓猶言青天

處喻言其人若仙姬神女自天而降者爾寒鬢斜綽綽緩也○青廓吳本作清廓會本作青郭

釵玉燕光高樓唱月敲懸璫述異記漢武帝元鼎元

一玉釵與帝帝以賜趙婕妤好至昭帝元鳳中宮人見
此釵光瑩甚異共謀欲碎之明視釵匣惟見白燕直

升天去故宮人作玉釵因名玉燕釵唱月者蘭風桂
對月而唱也懸璫玉珮敲之以爲歌聲之節
露灑幽翠紅絃裊雲咽深思當風清露冷之際無箏而彈以寄其幽怨之深
思傳元伯益篇蘭風發芳氣張祐箏詩夜風生碧柱
春水咽紅絃則紅絃乃箏之絃也以紅爲色彼時風
尚若此裊雲謂其聲高花袍白馬不歸來濃蛾疊柳
低抑揚相續不絕之意
香唇醉古歌行綠衣白馬不歸來雙成倚檻春心醉與此詩句意相似蓋念所歡之人不來故黛
眉嘖楚如柳葉之疊而不舒香唇緘默如沉醉金鵝
之靜而不言也○濃蛾吳本姚仙期本作濃蛾金鵝
屏風蜀山夢鸞裾鳳帶行烟重八聽龍髯臉差移日
絲繁散矐羅洞望之久而所歡終不來于是倚屏風而臥冀如巫山神女尋襄王于睡夢之中乃嬌魂殢重未得出遊忽焉天曉紅日已照紗
窻矣金鵝屏謂屏風之上繡作金鵝之形李廓長
安少年行云玉雁排方帶金鵝立使衣和凝官詞恩
開初學繡金鵝觀二詩可以證蜀山卽巫山也行烟

卽行雲行雨之謂重謂不能出門以覓所望之人入
驄當作八窻鮑照詩四戸入綺窻晃日光也入意之
上已見日光而曉夢初覺睡臉才移但見日色透意
羅之細洞而入舒散如絲寫閨人夜中不寐曉來慵
起之意吳本金鵝作金娥疑是屏風上所畫美人姚
經三言謂入曉卽隙駒之謂皆非是○鸞裙姚經三
鸞裙本作市南曲陌無秋涼楚腰衛髮四時芳玉喉窈窕
排空光牽雲曳雪留陸郎市南曲陌皆妓女所居之
地無秋涼言無蕭條冷靜
之景韓非子楚靈王好細腰而國中多餓人太平御
覽史記曰衛皇后字子夫與武帝侍衣得幸頭解見
其髮鬢悅之因立爲后今本史記無鬢字鮑照詩鬢
奪衛女迅吳正子註窈窕歌聲宛轉之妙排空光猶
響過行雲之意牽雲曳雪謂攬其衣裳而留之也樂
府明下童曲陸郎乘班騅市南曲陌之家冶容艷態
歡聲徹天能使陸郎留戀何其
歡好以反襯真珠之寂寥不樂

李夫人

紫皇宮殿重重開夫人飛入瓊瑤臺綠香繡帳何時

歇青雲無光宮水咽

夫人仙去之後帳中香氣尚未歇息而雲亦為之無光水亦為

之悲咽景物如此人可知矣

翻聯桂花墜秋月孤鸞驚啼商絲發

桂花墜秋月喻言夫人之薨在秋月也孤鸞驚啼商絲發言帝之悲痛商絲發調撫絃而寫意其聲合乎商也

商聲為秋聲為金行之音五音之中惟商聲最悲○

翻聯姚仙則本作翻翻文苑英華驚啼作曉啼商絲

作商口 系其 園 玳 瑁 哥 郎 小 女 逐 來 登 玉 鼻 漣 水

雞人唱露華蘭葉參差光

上二句言日中之景光下二句言夜中之景况總見

夫人薨逝宮中所見無一不動淒涼之景况楚辭招魂紅壁沙板元王之梁佩常所佩之玉璫也此句

借用銅雀臺事詳見後三卷註玉璫滴水刻漏之望雞人報曉之更俱見前註沈約詩蘭葉參差桃半紅

○按此詩必是當時有寵幸宮嬪亡故帝思念而悲

之長吉將賦其事而借漢武帝之李夫人以爲題也
觀詩中並不用漢書李夫人傳中一事可見與秦王
飲酒一章指意相同因話錄謂李賀能爲新樂府豈
不信夫○紅壁文苑作空壁一作紅壁小妓一作小
栢

走馬引

古今註走馬引縶里牧恭所作也爲父

夜降圍其室而鳴夜覺聞其聲以爲吏追乃奔
而亡去明旦視之馬跡也乃惕然大悟曰豈吾
所居之處將危乎遂荷衣糧而去入于沂
澤援琴鼓之爲天馬之聲號曰走馬引

我有辭鄉劍玉鋒堪截雲襄陽走馬客意氣自生春

朝嫌劍花淨暮嫌劍光冷能持劍向人不解持照身

玉鋒言劍鋒之色白淨如玉也截雲卽莊子說劍篇
上决浮雲之意寶劍者君子衛身之器不得已而後
用之乃豪俠之子專以報怨殺人爲事當其閑置而
無所用朝暮嫌恨不得一試其技使劍鋒冷淨深爲

可惜殊不知持劍而向人正所以照顧已身而不使
 髮膚身體之受傷也若但能持劍向人而殺之不解
 持之以照顧自身誤矣語意深切特為襄陽走馬客
 痛下一鍼截雲吳本作裁雲襄陽一作長安客一
 作使不解持照身影
 一作解持照身影

湘妃

筠竹千年老不死長伴秦娥蓋湘水博物志堯之二妃曰湘夫人舜崩二妃啼以淚揮竹竹盡斑言自二妃揮

湘夫人舜崩二妃啼以淚揮竹竹盡斑言自二妃揮
 淚之後始有此種斑竹迄今數千年之久其種相傳
 不絕長伴二妃之靈蓋映湘水之地說文筠竹皮也
 方言秦晉之間美貌謂之娥此以筠竹稱斑竹秦娥
 列二妃殊不可解或字之說也一本註秦娥下云一
 作神娥又見廣西通志載此詩筠竹作斑竹秦娥作
 斑娥下文蠻娘吟美滿寒空九
 逐但不知木于何書未敢從也蠻娘吟美滿寒空九
 山靜綠紅中有九疑山舜之所葬在長沙零陵

界中郭璞註山今在零陵營道縣南其山九峰皆相
似故曰九疑古者總名其地為蒼梧也此言舜葬之
地惟有蠻女謳吟聲徧山谷九峰靜綠中有紅離
花點綴若為淚血所染者然敘出兩地睽隔意離
別鳳烟梧中巫雲蜀雨遙相通舜葬蒼梧二妃死湘
水故言離鸞別鳳烟
雲也烟梧謂蒼梧之雲氣也神靈各在一方雖相去
不遠僅可因雲雨之往來遙相通達而已終不能常
常會合雲雨而曰巫雲蜀雨者借巫山神女之說所
謂朝為行雲暮為行雨者以見神道變化之不可測讀
者勿以幽愁秋氣上青楓涼夜波間吟古龍而不得
辭害意常見故當秋氣至而草木變衰涼夜永而蛟龍吟嘯
所見所聞皆足以增隱憂而動深思此詩措辭用意
咸本楚騷○青楓姚
仙期本作清峰誤

南園十三首

花枝草蔓眼中開
小白長紅越女腮
可憐日暮嬌香

落嫁與春風不用媒

眼中方見花開瞬息日暮旋見其落以見容華易謝之意梁昭

明太子十二月啟蓮花
泛水艷如越女之腮

其二

宮北田塍曉氣酣黃桑飲露窳官簾長腰健婦偷攀

折將餒吳王八繭蠶

宮北謂福昌官之北詳見後三卷註塍田畔界也酣爽也黃桑

桑葉初生淡黃色久則青矣窳蘇丹切音與連同謂

桑葉觸簾作窳聲唐元宗路逢寒食詩滿岸垂楊

窳地新亦是此意左思吳都賦鄉貢八蠶之綿李善

註劉欣交州記曰一歲八蠶而薄永嘉記曰永嘉有

益期箋曰日南蠶八熟續乾而薄永嘉記曰永嘉有

入輩蠶蛻珍蠶三月續六月初續蛻蠶四月末

續愛珍蠶五月初續寒蠶十月末續寒珍蠶七月末續四

出蠶九月初續寒蠶十月末續寒珍蠶七月末續四

各一歲八繭以其地暖故耳而海物異

乃謂八繭共作一繭與前說異

其三

竹裏纒絲挑網車青蟬獨噪日光斜桃膠迎夏香

珀白誤越傭能種瓜藝文類聚青蟬也通志岩蟬

色或有紅者夜在草上月在木上聲小而清亮此則

正謂之蠅琥珀越傭越人之脂夏月流澁莖節間凝結成

其四

三十未有二十餘白日長飢小甲蔬橋頭長老相哀

念因遺戎韜一卷書庚信哀江南賦侍戎韜于武帳

老哀其以少年而受飢困故以兵書遺之勸其以從

遇老人授太公兵法正絕相類連下三首讀之皆是

李長吉歌詩

卷一

三

一時文士受藩鎮辟召効力行間致身通顯者往往
有之宜長吉之心馳而神王也讀者不會其故祇以
用史漢故事視之意味索然有如嚼蠟
○未有一作未滿因遺吳本作因遺

其五

男兒何不帶吳鉤收取關山五十州請君暫上凌烟

閣若箇書生萬戶侯鮑照詩錦帶佩吳鉤李周翰註

鉤刀名也○李絳曰今法今南蠻用之謂之葛黨刀通鑑元和

七年李絳曰今法今南蠻用之謂之葛黨刀通鑑元和

長吉所謂關山五十州者正指當時藩鎮所據之五

十餘州也○大唐山新語貞觀十七年太宗圖畫太原倡

義及秦府功臣趙公房元齡申公高士廉鄧公尉遲

敬德鄭公張亮陳公侯君集盧公程知節永興公虞

世南渝公劉政會莒公唐儉英公李勣胡公秦叔寶

等二十四人于凌烟閣上之像未有以書生而封侯者

閣立本畫觀凌烟閣上之像未有以書生而封侯者

不得不棄筆墨而帶吳
鉤矣○吳鉤一作橫刀

其六

尋章摘句老雕蟲曉月當簾挂玉弓不見年年遶海

上文章何處吳秋風裴松之三國志吳書曰不效

吾子少而好賦曰然童子雕蟲篆刻壯夫不爲也王

弓謂下弦後殘月之狀有似弓形遶海遶東也遶東

之地延袤二千有餘里其南皆臨渤海遶海遶東也遶東

註秦始皇二十四年起自臨洮東暨遶海西並陰山

築長城夫書生之輩尋章摘句無間朝暮當曉月入

簾之候猶用力不歇可謂勤矣無奈何處用之念及此

文詞卽有才如宋玉能賦悲秋亦何處用之念及此

悲秋之謂

其七

長卿牢落悲空舍曼倩詼諧取自容見買若耶溪水

劍明朝歸去事猿公陸機文賦心牢落而無偶李善

心失次貌漢書司馬相如字長卿家徒四壁立顏師

古曰但有四壁更無資產夏侯湛東方朔畫贊大夫

諱朔字曼倩平原厭次人也以為傲世不可與詠訓

也故正諫以明節明節不可以久安也故詠諧以取

容太平寰宇記若耶溪在越州會稽縣東南二十八

里越絕書云薛燭對越王曰若耶之溪澗而出劍也

古歐冶子鑄劍之所吳越春秋越有一翁自稱委公問

越王聘之處女北行見于王道逢一翁有所隱唯公

處女問子善劍願一見之竹曰安不敢有所隱唯公

試之于表公即杖絛笄竹枝上顯橋求墮地女

即接末表公則飛上樹為白猿言能文之士如司馬

長卿東方曼倩猶不能得志于時况其次者乎學書

也益不如去而學劍

猿公一作猢猻

其八

春水初生乳燕飛黃蜂小尾撲花歸窻含遠色通書
幌魚擁香鉤近石磯幌黃上帶帷幔也香鉤猶香餌
石磯近水石崖貌無三本作釣

其九

泉沙冥臥鴛鴦暖曲岸迴篙舴艋遲瀉酒木蘭椒葉

葢病容扶起種菱絲廣韻解鱖小船也音窄猛爾雅

冬華其實如小柿甘美一名木蘭葉似長生冬夏榮常以

而香瀉酒木蘭椒葉葢謂取木蘭香椒二樹之葉葢

酒上以取香氣菱之初生根在水底葉則叢生浮于

水面其莖甚長蕩漾水中如線久則莖斷而葉下白

其十

生根矣所謂菱絲者葢謂其莖也○木蘭吳本正
文作木欄註云當作木蘭今諸本皆作木蘭矣

邊讓今朝憶蔡邕無心裁曲臥春風舍南有竹堪書

字老去溪頭作釣翁後漢書邊讓少辨博能屬文議

位乃薦于何進長吉蓋以邊讓自喻而私憶當有如

蔡邕之人敬而薦之者奈未有其人雖心苦思作

樂府諸曲亦有何人賞識是以無心裁作而臥于春

原之中舍南有竹所取作簡儘堪書寫以耗壯心即

至年老垂釣溪邊以消永日蓋有不遇知已詩文俱

可不作之想此必在未逢昌黎諸公以前所作吳正

子謂是感憶韓公皇甫之相知假邊蔡以為偷在首

二句則是矣于末二句全不貫絡○吳本云邊讓諸

本作邊讓非書姚經三本作題

其十一

長轡谷口倚嵇家白晝千峰老翠華自履藤鞋收石

索手牽葛絮長蕤花郭璞爾雅註山形長狹者荆州

謂之緒嵇家疑是南國外之鄰

末二句卽指其山間所事之業也長吉見其居處在衆山之圍繞之中已得勝地而其吟調舊註皆以長吉自言之趣不覺有慕于中而見之吟調舊註皆以長吉自言其情恐不然也老翠華燕山色蒼老之意本草陶弘景曰石蜜卽壁蜜也在高山巖石間作之色青味小酸其蜂黑色似蛇陳藏器曰崖蜜出南方崖嶺間房懸崖上或土窟中人不可到但以長竿刺令蜜出以物承取多者至三四石味酸色綠苔絮水中青苔初生如亂髮積久日厚狀如胎絮水草爲其羣網多抑而不生故牽去之令蕊花得長韻會純水葵也今文通作蓴本草蓴葉似鳧葵浮在水上采莖堪噉花黃白色子紫色三月至八月葉細如釵股黃赤色短長隨水深淺名爲絲蓴味甘鹹九月十月漸粗硬十一月初在泥中粗短名埋蓴味甘苦體潤○千峰姚經三本作千年

其十二

松溪黑水新龍卵桂洞生硝舊馬牙誰遣虞卿裁道

帔輕綃一疋染朝霞史記稱趙虞卿游說之士也躡蹻

以魏齊之故不重萬戶卿相之印與魏齊間行去趙

困于梁著書八篇以議刺國無庸取以世傳之曰虞氏

春秋與長吉生平無一相似無庸取以世傳之曰虞氏

首支意亦了不相干何以忽入此古人名意與昌

谷中人有潛光隱曜道服而幽居者與長吉往來交

好其人虞姓唐人以虞卿比之有如稱賈至為賈生孟浩

然為孟夫子唐生凡水深而色沉黑者必有龍潛焉

居之龍亦卵生有龍居之故云又山罽中產蜥

松溪之中或者傳有龍居之故云又山罽中產蜥

錫土人往往稱之曰龍居之故云又山罽中產蜥

知本草朴稍生于鹽鹵之地狀似末鹽煎煉亦疑

結在下粗朴者為朴消在上者為芒消有牙者

為馬牙消志曰英消其煎煉自別有法亦呼為牙

徹可愛亦出于朴消其煎煉自別有法亦呼為牙

清雲笈七籤馬牙消是陰極之火石之氣夫馬牙

煎其功亦能制伏陽精消化火石之氣夫馬牙

煉而成功非生成者也此云生硝舊馬牙者豈桂

之硝特異他處不假人力而其馬牙之狀抑言此

可以烹製而成馬牙之質與道帔道服顏師古漢書
註輕綃今之輕紗也隋書南蠻傳林邑王衣朝霞布
真臘國王着朝霞古貝唐書嶺南道武曲郡貢朝霞
布朝霞謂其色紅黃如朝霞者○誰遣一作誰爲
作誰遣裁道帔姚經三本作藏道
帔一匹曾本二姚本俱作一幅

其十三

小樹開朝徑長葺濕夜烟柳花驚雪浦麥雨漲溪田

古剎疎鐘度遙嵐破月懸沙頭敲石火燒竹照漁船

韻會萍草生貌剎僧寺也嵐
山氣也破月月之不圓者